

書

贈廣漢佐許三峰聯獎詩卷後叙

今嘉靖萬年之十七載矣天下治平耳目之官逶巡海內察吏民之賢否我君侯許三峰倅郡年餘前巡按御史陸公察其當官賢能而獎之繼是未踰年查盤御史李公都給事中尤公察其幹事勤勞又獎之其薦賢之意寓矣州士夫據其獎文侈爲詩歌勒成手帙屬余叙諸卷末余惟賢能勤勞古稱循良也獲上累獎所謂令聞也君侯循良令聞包括端序揄揚諸作余復何言余第有以深識君侯之心也卷有詩有歌有詞其類不一或組織政之德愛而不知愛者惻隱之心之發也或彙括政之時宜而不知宜者制事之心之著也有愛之心則上必綜核其以其所愛及其所不愛仁行如春得獎之爲仁

人也固宜有宜之心則上必洞悉其以其所不爲達之於所爲義明如秋得獎之爲義人也亦宜體具是心用之爲賢能勤勞獎之爲循良令聞散之爲篇什歌頌自君侯之心召之也夫養心莫善于誠誠則無事誠心守仁仁則形形則神神則能化誠心行義義則理理則明明則能變故曰變化代興謂之天德誠合天德何物不動何事不成何上不達哉君侯誠心惟求無愧于天未嘗有望于天然天每驗于人自是聯獎之後必有屢書特書不一書紀績上考而尊秩罷擢天子君侯忍靳之邪余習知君侯世有令德袍笏蟬聯爲江南右第自先德召之也將來子孫衣冠赫奕不自君侯召之乎予匪徒爲詩卷序故於臨文規望而不敢諛

### 慶節孝堂叙

天地間歷萬世而不可變者其綱常乎婦而義母而慈子而孝臣而忠兼聚於一門亦難矣順天經立人紀建極以歛福福莫大焉寧國許一夔奉母王孺人恢業太學歷政秋官注選榮還爲正德己卯適孺人壽五十友人葛宗敬其姻家也請言以待稱觴之祝况一夔從予遊最久意最契有傳道之器有決科之才論事切廟堂之憂檢身無縱欲之失丁丑兩試衰然冠壁經多士嘗以歸省亟弗及告行當受微譴大司成臨穎賈先生嘉其志而釋之宗敬嘗謂其尊甫敏齋公尚氣節樂詩書敬師儒惡諛佞能嚴過庭之訓爲宗祀之光孺人所以主中饋而立闔儀者始不違其謀終不負其託致一夔有今日

金沙詩以言詩 卷二  
而季嗣萬玉萬章暨伯氏萬輝之裔俱賢且孝姆教之功居多焉賢  
矣哉宜無忝於美且慶者言豈容於辭夫從而守一義之貞也愛而  
知誨慈之令也修身以顯其親孝之至也勤學以克其用忠之大也  
茲四者一元正氣亘古今常存而一夔之堂得以爲祝望之本壽孰  
加焉一曰福壽百千其歲二曰世壽子孫其昌三曰名壽侃孟其譽  
垂之無窮皆孺人之賢所宜有奚必祝而後至哉惟崇德行懋勲業  
如昔之良臣肖子以大恢賢母之懷在一夔當益勉耳

皇明正德十四年己卯仲春吉日

賜進士文林郎 賜告南京國子監助教進賢楊林叙

賀漢州牧許三峰德政兼隆序

余觀子夏信而後勞其民之言而知古人爲治之要不苟然也然欲  
信之孚於民而民信之非持身以正不失其在家之權度臨事以公  
不拂其在下之好惡而又積之以歲月之久恒而不渝其初者能之  
手否則其交也僞其應也勢身雖從而心異求事之集化之行上下  
相孚以致其治者鮮矣若漢州許公其信而有恒者歟公以早歲出  
身拜漢州牧治行超卓勤慎修潔凡政所宜舉措者咸綜公無大小  
必究其肯綮而蒞官之際洞察民隱人以事趨廷下片言之間莫不  
肝膽披露竦然懾服滯者以通屈者以伸縉者以白四民各植其生  
而豪猾漁獵之徒不得一肆其欲郡中翕然稱嘆曰神明人也謂非

公之信孚於上下者能然乎榮任未久人皆如赤子之慕慈母扶老携幼舞拍程黃又足以見公之撻履閑確久而無斃所謂恒而不渝初者矣豈微以僞而交以勢而應竊時之進效者可語乎哉茲將報政上天官膺顯擢有日矣謂余不辱知於公故推之於序云

皆

嘉靖十四年乙未桂花之吉鄰治生王鳳拜

臺諫聯獎序

三峯許君以江南彥士倅廣漢慎職守勤委任積德而樹勲侍御陸公李公都諫尤公廉其實屢有旌獎之典人咸華之大夫士侈爲歌咏颯颯乎琅琅乎昭遠信後有餘音矣邇乃借寇吾邑甫四月政平訟簡士民欣戴益信治廣漢之不誣而膺旌獎之尚晚也間屬予叙之噫嘻予何言予何言雖然茲舉也有五善焉皆昭代之休風君子之盛節惡可泯也一曰守官之恪夫官邪彰於寵賂政蠹啓於懦淫是故惡夫嫚者予觀三峰廉而惠簡而文寬而有制易而有則明敏而能勤縝密而能斷早夜孳孳罔敢逸豫予嘗憐其癯而彼自忘其倦也詩曰無恒安處靖共爾位其斯之謂歟二曰獲上之信夫詭遇

以獲禽違道以干譽孰云不可君子罪之予觀三峯視民如子理國如家事官長如父師寔德彰聞鑿鑿可紀雖動天地感鬼神可也而况於人乎况於上下之交乎易曰孚兑之吉信志也其斯之謂歟三曰知人之明夫鑑空則西子生妍水止則嫫母忘怒一有蔽乎其間叔慝滄矣惟三公者一代偉人少許可以三峯之賢素昧平生乃獨蒙知遇則事功之卓識見之高兩有光矣書曰知人則哲其斯之謂歟四曰好德之公夫珠玉世竒其寶膏粱人羨其味何者其情同也同斯公矣乃今感異而應同人殊而見合褒揚之聲如相倡和三峯奚得此哉天理在人心益可徵矣記曰大道之行天下爲公其斯之謂歟五曰風世之大夫隄防峻則水自東趨號令端則人皆左袒慎斯術也可以運天下矣賢哉斯人美哉斯舉一時蜀吏邇者觀法遠者欣慕爭自濯磨改弦易轍此固幹旋世道之一機也春秋傳曰稱善人不善人遠其斯之謂歟雖然有要焉有本焉要非聲音笑貌所能爲者又惡可泯也予觀三峯之學義利辨矣辨則政故和三峯之心終始一矣一則德故懋功崇業廣日進無疆豈曰如斯而已乎予故表之以告世之知三峯者

皆

嘉靖十七年戊戌夏四月

賜進士第山東道監察御史前翰林院庶吉士綉川李佶撰

賀大牧伯金沙許老先生烏臺旌敷序

金沙許君守禹之明年冬余按閩中迤邐入故里與人之誦曰許君賢哉余稔聞君矣君江左世家少從翁宦攬山川之奇勝經史古今究竟剖析發爲文章大稱雋永旁及九流百家靡不擷拾菁華人謂其得俞拊盧扁之秘傳特窺其一班耳嘗挾策游都下都下薦紳倒屣而迎已而卒業國子歸卧東山世味澹然不赴公車諸親舊秉樞衡者移書促之始謁選授上林之秩然所職不足究所施乃求外補于是有禹之命禹當八衢要衝使車相繹役役奔走且連歲荒侵猶涸轍之魚嚙沫待斃君惻然思汲西江之水以活之然位在而道不得直行雖操嚴冰栢才利迎亦潛滋默相惠澤流潤而平生之大施

猶有所未究於是當路諸公未識君者徃徃藉名刀圭以招致之而  
盡其延引欵曲意君之名抑又藉甚嵩洛汝穎之間民被其澤者日  
益渥君始解頤而喜未幾 監使文江徐公旌之曰吏事與文墨並  
善民情與醫術兼通都人士乞余言以賀余惟江漢發源岷嶓初未  
洪且衍也及流合大別之陽東迤北會衆水攸同然後汪洋浩蕩極  
其朝宗之勢龍泉太阿潛伏重壤吐露其神怪之氣於斗牛之墟張  
華雷煥起而出之然後斷蛟剗犀造其銛鏑之用君淵源之學無所  
不蓄而駿驥之才又嫻于吏事活人之術無所不精而濟世之猷又  
諳于民情夫固江漢之合衆派以成其利物之功而屈伏塵埃之下  
遲回河梁之曲精靈旁射上千層霄世有張雷探竒採幽若文江公

者方且拂拭大用之不以剗犀則以斷蛟豈復黷黯爲豐城夜光哉  
余固知君之事業自此炳炳天地間矣君之弟若侄俱起家科第並  
顯於時而令子瑰琦髫年遊泮七試棘圍院天將老其器而發君所  
未發則又灼灼在旦夕也請文學其搢管以俟

萬歷十五年丁亥季冬吉旦

賜進士巡按福建廣東道監察御史治生小嵩連格頓首拜撰

儒學學正丁文盛

訓導郝承忠

劉文顯

生員黃希舜等一百七十五名同贈



贈大牧伯金沙許老先生入覲序

聖天子御極十有七年天下復當會覲聽冢宰之大計維時禹郡伯  
鶴田陳侯當行撫臺洪溪衷公以禹當八衢之衝視諸州最繁劇  
頻年荒癘民不聊生司牧者撫輯安養日不暇給猶嬰兒之于慈  
母頃刻惟恐去左右尚可遠離邪乃爲疏晉以貳代之於是金沙  
許公戒裝以往余惟公之倅禹也瑩潔而渾厚愷悌而平恕通敏  
而練達博學宏識綜緝百家出其緒餘經理郡事井井有法歲值  
稔曠心勞撫綏日與鶴田商確所以拯援之法分方賑貸籲天步禱  
調停區畫惠澤流溢枯槁昭蘇郡人按如堵蓋自兩臺而藩臬與  
諸當路莫不廉其賢且才而優遇之河南山西兩院直指使凡三

金沙詩集卷二  
加旌典謂非知己也歟哉夫君子之智效一官孰不欲遇知已然而明月之珠夜光之璧暗投于人未免按劍相盼何無因而至前也公自胄監遊上林掉臂輦轂之下各公鉅賢莫不折節倒屣相與把袂扼腕猶夷從容爲莫逆交一命出牧千里之外遲迴二載之間猶旦暮見之謂不相識幾何今挾籍而報成績聽計於冢宰所稱賢良聲畫章章如諸當路所云清譽休光萬萬爲故人作色試一問前日所遊今秉鈞當軸在樞要之地其興雲雨而起潛蛟汲江河而活涸鱗固不假舉手投足之勞竊恐公越階而轉霄漢之上夜光明月照耀几席豈無因至前按劍相盼者哉公行余已卜之矣公欣然就道余與同寅諸君及諸士子送之潁水之陽酒

三行而歌以侑之歌曰潁之水兮清且泠挽君轡兮濯君纓寒烟簇兮揚華旌日光流兮照兕觥征夫不畱兮繫余情馬首北瞻兮紅雲生雙鳧欲下兮羽翼成寵階疊晉兮龍章新歌已再酌而別望之若登僊云

一萬歷十六年戊子仲冬之吉禹州學正侍教生丁文盛頓首拜撰

訓導郝承忠

劉文顯

黃元

生員二百四十五名

贈兵部武選司郎中午河許君得告南歸序

午河許君負奇人也其舉壬子南畿第二人與余爲表同年云然君明年登進士而余則後六年不啻避君三舍矣今君爲大夫而余以郎吏同處選部日夕接言議風采蓋不獨官箴之神益而意氣之投實爲最契焉今君以改遷予假而南雖行且遄還顧余方有不可一日去君之意矧茲非一日固何以爲懷矣君謂余盍一言以重吾行李余愧無以爲重也聊以君之夙所重者爲君贅之乎嘗聞君舊理職方魯奉 璽書閱視邊實于遼薊考覈置制既詳且允有所論列天子至罷撫鎮張弛之蓋故事巡邊多以臺史往乃君以部署且能其職有臺史之未逮其後歷駕部秉銓衡修利弊政務靡不振舉

去歲偕諸詞林分試南宮得人爲盛有葉子者復注魁第往時試事  
但問其官之遞次而所校之士高下因之乃君則人欽服而莫與競  
蓋君素有取重致然也近議推督學咸以君雅望擢命且下君聞之  
畧不怡然以改遷之念方切故未暇就比疏上 天子嘉其孝謹允  
所請既得請則喜愈于得美遷者百倍蓋愛親至情根諸由中非以  
辭爵祿要名譽也然恬澹高潔之風人皆仰之若不可及謂君不有  
自重能輕人之所重遷是乎非其輕人之所重能致夫人之重遷是  
乎然則君之所樹立誠偉偉矣嘗謂君產居南畿其地秀靈故竒瑰  
慷慨之士徃徃繼出聞昔有白樓子者嘗辭閣學而其冢卿于南曹  
今之譚負重者莫先焉君意趣有似而才猷抱蘊實邁之異時

天子簡重虛卿丞以待又晉而端揆其經綸緒業當有大過于白樓  
子者實自此基也君行矣改襄之餘嚴促征駕於以副朝野黔黎之  
望而施其未究者焉母曰吾是行也過家上塚焉耳已此余之期于  
君者在是遂書以贈

賜進士第承直郎兵部武選司主事郎寧梅口鄧洪振頓首拜撰

贈鰲宇公翰院擢稼部序

方今宇內輻輳度支苦於持籌空手謀國安能得之天雨鬼輸贖心  
 為民安能得之前膏椎髓而大要酌盈虛權損益參天地化育之神  
 而用之乃不至瘠國不至敝民此即文章家虛實互用長短權設之  
 法故古人足國本之足民而華國通之足國文章吏治相須為用豈  
 其然乎宛陵許老師以文章名家來諭吾虞吾儕披春風而長蘭葉  
 望千頃而銷鄙吝無不亦步亦趨自繩自尺期無謬于先生間有跳  
 越恣睢而侮門墻者先生直發其耻心而令自變又常拔慧心之士  
 與商古今評域中事得失轡龍虎之友則風雲在手攬鸞鳳之德則  
 羽儀在身即椎魯若不肖亦得睹花筆而窺先生之經理聆緒論而

發先生之藻思竊意木天穹窿之秘寰海戶口之樞不可無先生辛丑廟堂果不能待先生之六月息而蘭臺之命下矣維不肖亦復假先生之雲翼而望天池與先生握手天都尋犗文懿餘韻而與商絲綸之舊乃先生藻繪一新玉堂增價比不肖歸省慈幃忽易總帳甫煢煢出苦而曩先生所譽髦士宋生懋志姚生宗儀偕思先生之侶而請曰先生蘭臺臺成翩然以稼部南下久矣足國足民朝野僉幸文章有用政在今日客歲先生去虞虞士子何嘗一日忘先生黌宮黽屨苦菣不敢食矧今不科而士子之思先生更甚乃先生儼然臨石頭去虞僅衣帶水願一褰裳從先生舉比觀先生盈虛損益參天地之施濟願子一言寫諸士子不忘先生之臆瞿生曰說不在疚已

先諸子往矣今不以身而以言尚何椎魯之辭顧先生嘉惠寰區已徵之諭虞之日願先生尤嘉惠吾虞哉此不肖之臆蓋亦諸生之臆也

賜進士第觀吏部政通家門生瞿汝說頓首拜撰

賀司廳鰲南許君考績加恩序

大江以南其爲股肱重地馮翼陪京據上游而扼險塞者無右宣歙宣歙之間甲族相望在歙則東門許在宣則金沙許蓋同宗異派云徃余從先師文穆公得其概則已嚮徃有日頃歲奉

命按宣歙則見其山川綺麗人文勃鬱隋唐以來故址具在其稱右閭上第必趙宋而上乃金陵王氣虎踞龍蟠實發脉于宣歙之間於都哉湯沐舊鄉周豐漢沛不翅矣余時駐節低囑獨深仰止之咏竊嘆賢人君子斌斌輩出肇以地靈殆非虛語比余竣事入都斯夕西臺則獲交于鰲南許君卽爲金沙右家與文穆公同宗系者由孝廉授常熟諭常熟諸生甚德之至爲去思碑以勒不朽

金汝詩以宗詩卷二  
已擢翰林孔目大爲詞垣諸名公所稱賞已擢南戶部司務尋改  
北部尋又改都察院司務是爲余僚友值今

上覃恩適與考績會獲贈其先公憲副君階中憲大夫無何以部議  
廣恩詔并予全封斯已渥矣僚友諸君誼當有賀而屬文于余惟  
文獻巨家美以世濟卽今槐棘卿焯焯著望疇不宜歛首指邪余  
何敢以文侈間嘗讀君尊人閱邊疏其言鑿鑿有據氣流墨中聲  
動簡外迄今疆圉賴之上以衍巫山之芳下以開君子今日乃一  
官卽署未竟其施語曰不于其身于其子孫君今揚歷中外騰茂  
蜚英風教則海虞勒珉詞賦則瀛洲推轂司計則南北馳聲贊憲  
則霜臺生色行且揚前烈而益張大之其荷寵光樹勛績列旂常

垂竹帛計駸駸未艾宣歙之間頡頏相望會見卯龍寶桂之勝瀾  
起江南黃山宛水之竒接翼名世豈不於都盛美哉余卽不文乃  
糜爵私衷辱膺世好烏署柏垣時沾緒雅不能蔽其耿耿而處於  
無言則願從諸寮友以爲賀

萬歷丙午長至之吉

賜進士第文林卽掌河南道事浙江道監察御史清源曹楷頓首  
拜撰

都察院經歷陳儒 司務繩愆 都事鄭斐 照磨蕭良命

檢校徐懋勛

十三道監察御史劉一會 嚴一鵬 曹楷 張大模 周維翰



全汝言身吳言  
卷二  
楊宏科 劉日梧 李時華 何爾健 李楠 周家棟 王業  
宏 葉永盛 吳楷 黃吉士 錢桓 左宗弼 楊廷筠 孔  
貞一 余懋衡 金忠士 康丕揚 湯兆京 溫如璋 史學  
遷 黃陞 宋濤 沈正隆 王基洪 史弼 馮奕垣 喬允  
升 陳宗契 周懋相 蕭淳全頓首拜賀

奉賀邑師鰲宇許老先生榮膺臺旌序

鄧林稱材藪匠石過之繁枝弗收收垂天合抱函牛之鼎實以千  
鈞五石之斲必游江湖始盡其用矧高賢大良望崇各世應展鴻  
昌而樹懋明者哉昔鄧高密身都鄉相嘗請於光武願爲郡文學  
官是黌序固造士育才地而亦階之以養公輔之望也者王介甫  
謂胡安定先收君作棟梁以次收拾楠與榱蓋鏡此矣鰲宇許先  
生爲文獻世家憲使公以壬子魁南服勲名宦業尤炳燹鼎逮先  
生益以天挺人豪淵源家學稊衡百氏鼓吹羣籍發爲文詞類啟  
鍵理窟取材先民抒性靈而暢才情以故不藻繪而詞華不淬礪  
而色澤不繩削而體裁得之匠心咸謂遠駕西京近掩當代固宜

待詔金馬載筆東觀唾手清華之選也廼弱冠褒然鄉書而藉奏  
臚傳尚有待焉主爵者知先生結綠懸黎弗遽局以尋丈將借之  
以典邑教若曰庶幾儲之俟異日策天人職論思乎居歲餘振刷  
風教鎔冶章縫濯舊來新蒸蒸作父先生不自多更謝羔鴈以秉  
廉斥虛恢以崇雅精掄校以需實日漸函以博大廣淵容與于元  
逸醇古望之渾然惇藹然和又未嘗不犁然察肅然毅也先生益  
用身教令坐春風中者得之佔俾蹊徑外無論踣踣易張委瑣改  
轍諸士班班各理卽縣大夫折節吳縉紳醉心罔弗安定先生矣  
褒檄旌書度越江左當路良覈于觀鏡哉洪永時師儒之任最重  
有以禁臣出教南陽如張編修者有以教職入叅大政如儀少保

者是以師道立而善人多邇者制科中多從文學擢上第若翁太  
史暨孫陳諸部卽自清陽等學起蟬振寓內先生夙負公輔望一  
旦首對大廷行且秘閣燃黎雲臺圖繪遠方之高密近匹儀少保  
翁太史當無讓於旌書乎何有先生捷晉都余五鄉侄實附之雅  
叨年家世契欽先生盛德已久而新進庠彥桑生化洽輩被先生  
陶鑄誦服彌深因以賀詞屬余故樂爲之序并以券先生魁天下  
云

萬歷丁酉仲春吉日

賜進士第中憲大夫奉

勅整飭武德等處兵備山東按察司副使年家鄉侍生錢順德頓首

拜書

門生朱鵬舉 張鴻舉 徐允奎 顧三錫 孫道性 范辰祥

趙啓獻 李如玉 朱師錫 程玉潤 顧士彥 黃國驊

王宇韶 黃定顯 張世禧 徐錫元 邵與游 陳治謨

盛養浩 朱士琮 蕭可傳 薛允鶴 蔡蕃 陳治策

王兆瑚 顧炳 何士模 湯耿光 錢自靖 倪國光

祝慶遠 徐嘉允 陶復光 包萬象 徐繼勉 桑化洽

全頓首百拜贈

賀鰲字許老先生擢南計部序

自不佞釋褐受事則聞宛陵有許先生者善為博士家言各藉藉諸生中矣未幾以經義冠南都都人士又藉藉稱重而會數奇數數不得志久之乃以經術遷翰林先生古貌理衷步履繩尺恂恂有長者風而至所為古文辭則纏纏數千百言矢口而成觀者辟易於是長安諸縉紳益藉藉焉蓋兩年所而主爵者以秩久當遷乃遷今南計部計部在諸曹中號繁劇而南曹視此事稍簡職亦稍閒諸習先生者謂先生負清廟材是宜居承明著作之地鼓吹休明潤色鴻業圖不朽盛事為先生重而不習先生者則又謂縉紳之士重內輕外南曹即閒遠乎然朝夕拮据計錢穀謹出納僅

僅一廉幹有司事而何足以重先生然而先生之言則不然先生曰僕一介儒素遭際聖明幸得以經術從學士大夫後此其遇不薄國家分設六曹諸經費悉領於度支軍國大計咸屬職掌

高皇帝建鼎金陵國家之根本在焉第令朝夕凜凜無愧素心即錢穀出納可幸無咎如其不然而藉脂膏以自潤持文墨者且得議短長夫詎知輦轂非畏途耶事君者東西南北惟命之從僕終不艷彼而薄此矣蓋先生冲素寡營自其天性居恒以名節自砥礪故內外之際處之淡如可不謂恬澹寧靜者哉雖然今國家財賦仰給東南南都舟車交集其重與燕畿並曩嘗帑藏克溢當事者坐守成筭無所事事今海內財賦竭矣工役煩興帑藏若掃歲額

所需不足以當經費之什五大司農仰屋竊歎長慮却願旦夕廩廩當此時而不畫一筭建一議爲國家振目前之急可乎乃當事者謂世無管晏如經術何先生蒿目時艱其在南都則固桑梓也奉命而往必且爲國家畫便宜大司農受筭而獻之

天子令廟堂無憂緩急管晏諸人而在將避舍不暇此其視承明著作之地遠矣且世廟時余聞其先大夫按察公以進士別歷中外名藉藉公卿間最著至今鄉之人尸而祝之而其蒞兵曹歷諸郎佐大司馬巡疆事功尤顯蓋其盛哉先生安章德行不愧家聲茲者一出而佐國計濟時艱直紹先烈而益光大之在先生且藉今職以重其先而異日者廟堂虛左以竢也又焉往而不爲先生重

先生且行而其僚友兩楊君者與余則固故里也遂偕其二三君子來乞余言而余次其言若此以授諸簡

峕

萬歷癸卯季春之吉

賜進士第資政大夫協理京營戎政兵部尚書前奉

勅總督宣大山西等處地方軍務都察院右副都御史通家侍生

王世揚頓首拜撰

詹事府掌府事禮部尚書兼學士曾朝節

翰林院掌院事禮部右侍郎兼侍讀學士郭正域

正詹事兼侍讀學士周應賓

少詹事兼侍讀學士唐文獻

左春坊左庶子兼侍讀黃汝良

右春坊右庶子兼侍讀蕭雲舉

左諭德兼侍讀陶望齡

左中允兼編修區大相

左贊善兼檢討楊繼禮

右諭德兼侍讀莊天台

右中允兼侍讀馮有經

右中允兼侍讀顧天峻

右中允兼修撰翁正春

右中允兼編修陳懿典

翰林院修撰朱之蕃

翰林院編修湯賓尹 陳之龍 顧秉謙 李思誠 溫體仁

曾可前 王 衡 顧起元

翰林院檢討李騰芳 孫如遊 南師仲 邱未實 高克正

張仲紀 盛以宏 韓孫愛 陳翔龍

庶吉士 周如磐 公 鶴 蔡毅中 曾六德 王 陞

賈 石 王元翰 薛三省 宋 燾 袁懋謙

陳宗契 馮奕垣 鄭以偉 許 獬 王基洪

李循昌 雷思需 呂邦耀

南京中軍都督府經歷司都事郭茂熙

翰林院待詔陳堯言 楊惠民

詹事府主簿廳主簿王希良

詹事府主簿廳錄事陳瑞霖

中書舍人劉襄之 許登高

詹事府通事舍人楊承芳 杜承循全頓首拜

奉賀

邑博鰲南許老先生榮膺憲臺旌獎序

士有輔世之具而不輕試於時有華國之文而不聚獲於遇多  
俛首就教職而於是乎名成而道尊先達以爲教官之職與宰  
臣之任等教官育賢宰臣用賢所用必掄於所育斯兩者其道  
相與以有成塗殊而致一者也故俊卓之士出而應世展經濟  
則以才猷駕天下爲名臣明道術則以實學範天下爲名儒彼  
其薄視儒紳者目爲閒局元視聖賢者標爲別傳輒自詭於模  
範而遷就於世情逐升散之文迷教化之實嗟嗟時哉抑耳目  
習常以爲固然而卓介特立之寡儔耶余今所睹鰲翁許老先  
生蓋所謂不輕試不驟遇者也早承家學菁華擅世瓊敷玉藻

凌轢今古弱冠登賢書彪蔚藝林千層霄而壁萬仞宜在轉盼  
間而再上宗伯猶恡一籍奏因俯就選來典常熟教事甫期而  
學政大舉禮樂人文梨然一新無論羣弟子之改玉趨邑令長  
之折節重而吳會諸繼掖與諸大夫之想望丰神覬沾賸馥者  
靡不願交臂而談金石以勞生平前所未有也臺使者交檄書  
旌先生詞綦嫺嫩大都以居官貌先生之德學而親炙於門牆  
者則相率詣余告曰先生天下士也禔躬飭己本之以淵源之  
學出之以憬發之見總之以博大之才舒之以粹盎之氣而二  
三子陶鑄於洪冶之中也勵廉隅則却羔鴈之贄重敦誼則嚴  
浮進之防升其可與進者相從各理馳騫賢豪必以先進爲程

卽卮言瑣行皆可爲經義治事之規而美閒於才鋒賈餘於文  
勇無俟涸思者又先生之餘也二三子卽知磨洗自愛何以加  
於先生今幸有聞敢有請於信筆以紀遇合之始嗟嗟桃李不  
言下自成蹊學之道也余卽有言亦何以加諸蓋先生校課也  
貫道於藝故不威而戢勸率也先行於言故不戒而喻朝端風  
采蓋自泮宮始胎之矣矧所饒具者金馬之綺才玉堂之妙選  
行且入對

大廷讀中秘而握符鼎爾時道益尊而望益隆固知先生雅志必不  
以道術碍官常不以官常移道術所以華國而輔世者當旦暮  
得之何寧以一旌書重卽諸弟子亦何能以一旌書爲先生重



顧名實完粹者人必歸誠在鄉校鄉校之士歸之在朝廷朝廷之士歸之是則可重也試以吾言與琴川諸君子共證焉

賜進士出身通議大夫禮部侍郎兼翰林院侍讀學士教習庶吉士知貢舉 起居注 經筵日講官長洲韓世能頓首拜接

贈 鰲字許老先生滿秩序

不佞游海虞訪瞿洞觀兄弟兩瞿君爲言許君鰲字之在學作興士人殊不局尋常伍其才雖超迺性行更有不軼於繩墨者私心竊仰之後門人朗生浦子過全林間余問許公何如者耶朗生曰許先生之懿徽不可殫述獨諸生貧先生賑之諸生有贊先生反之惟是人意愜學使者撫按諸公文章薦舉今且秩滿而虛次矣余曰有是哉兩瞿君之言果確余猶記數年前士猶以廉隅爲重故有當官守分不忍淪污邇乃縮銅章而躬駟驢之行何論儒秩許君如是誠賢也夫學道愛人聖有明訓海虞非故絃歌今所稱枌榆地哉秉清白而惠施允學道之偉標愛人之宏致疇云小也大抵理無精粗本末

謂談性命漫擬極元夷考平生戒不在得自為馬牛計而藐御鸞鴻  
 甘心垢府顧其芟涸吝撤一毛彼於師弟子之誼安有自非曠遠胸  
 襟雅耽道趣宜不能廣直愛而錫類於無教由此晉而成均庶天下  
 士外而膺百里寄生靈于股掌間其未陟則猶與諸雋馳驅踰騰  
 河公從余大父方山翁李當嘉靖中魁選於南幅而沛茲渥澤靡非自此推之許君之尊人午  
 甸官憲副各重當年翩翩鳳毛故有奇雅輒書以授朗生為公贈  
 萬歷己亥九月 延吳通家弟薛敷教書於太虛草堂之左軒

贈選貢遡河許君北遊制義序

嘉靖中許職方先生以尚書王盟其文典重精微壬戌分較禮  
 闈所拔擢皆天下名士如許道中項子長諸先生輩亦皆典重  
 精微者也余生晚不及接許先生而得交其仲子正甫正甫貌  
 朴而氣沉步趨議論皆先輩流風余望而心嚴之所為制義無  
 不根本經術洞中理解春容爾雅一軌於正當今士習佻巧文  
 趨險僻如正甫者可謂振雅還淳者矣正甫夙承職方先生庭  
 訓又與伯兄孝廉朝夕切劘居恒好深湛之思故有所撰結絕  
 不落時人窠臼海內賢士大夫亦往往推轂正甫數為諸生冠  
 軍今歲有詔郡國推澤諸生高第實太學正甫首應明詔躡屩

來燕得覩

天子闕廷宮寺之盛遍從賢豪長者遊已又走雲中上谷覘諸阨塞  
慨然有咎中行縛左賢之志時時興寄所到一發之於文夫典  
重精微罔君家衣鉢而又以淋漓意氣佐之才以法輔神以質  
王指日建鼓登壇職方所未竟者意者其在斯乎他日業成宛  
陵爲尚書之言者首推許氏當不讓大小夏侯矣

翰林院編修 攜李陳懿典孟常甫撰

贈上海博士許劍石老先生擢西粵融縣學諭序

宛陵許劍石先生分教海上六年所矣茲擢百粵之象郡融縣諭驪  
駒在門僕夫具存先生有行色矣于是弟子員文學嗣封張君輩造  
予而請曰吾儕沐浴先生教化幸得依歸寧不悲其去又謂才望如  
先生不盡知于時僅以序遷已爲扼腕且融水僻在西粵去吳數千  
里而遙人文與江左懸殊犛獠出沒瘴氣逼人多崇山鮮平壤車馬  
下上排虛陟空以寒官冷局間閑戾止先生得無趨趨于行乎吾儕  
能不爲先生扼腕乎予應之曰不佞自抽簪以來躬覩先生豈第作  
人不設城府予子姓輩若而人鼓舞樂育者尤深獨不心諸君之心  
而忍於別先生也第謂春風之坐一旦參商不能爲情則可而扼腕

先生之序遷則不爾矣。蓋觀先生之適粵乎？修途行邁不能縮地而至也。又不盡遡遊而濟也。不盡馳坂而跋也。禹蹟有所必循，驟水驟山水行則緩而安，山行則捷而勞。里之遠近行之勞逸皆所熟嘗而後至于西粵也。舍此更無有徑道焉。奚獨行道然哉？仕路亦若斯矣。迂于前者捷于後，捷于初者或迂于終。總之期于仕進而已矣。惟居易者聽其適，至今先生敦仁蹈義約已禔躬，不慕要津不趨捷徑。主爵者復俾司鐸於粵中，謂百粵地僻才寡，亟須先生作新之。令人文宣譽於東吳，然後晉先生於成均，與六館師儒共翊。

聖世修文之治，或寄以民社，奏績循良。安見先生不盡知于時也？雖僅以序遷官，仍冷局。先生固有以自信，不佞按地志融水隸于柳州。

境連湖湘，民醇俗阜。人耻爲非，出弟入孝。絃誦爲嶺南最，先生陶之德化彬彬，質其有文尤易耳。豈漠然魑魅之鄉而令先生若投荒也耶？矧其地有真仙老人，諸巖神秀天表，靈壽清潭，諸溪流遶山麓。昔仙人棲真于巖，投丹于溪。迄今飲其水者皆得延年多壽。此又昔菴齋中所不可得者。先生校士之暇，登山弔古，飲水于溪，則先生之神益王而他日之展布益易矣。先生其優游以俟後命之至，若行道者之涉迂險于前而反得安捷于後也。孰謂此行足趑趄哉？於是諸文學喟然並進曰：鄙人溺於所見，今闡明公言而先生此行所得固多也。吾儕勿復扼腕矣。請志之以爲贈。

萬曆三十一年甲辰季夏之吉

賜進士第文林郎翰林院編修管理 起居

誥勅兼修 正史 經筵日講官雲間董其昌頓首拜撰

壽宜亭逸士許君序

歲單闕季夏之吉寧國周君太羲欵吾門拜而言曰吾里有宜亭逸士許君觀德者少而穎異長而清修成而敦龐老而康裕養高而不仕而自適其適也久今茲之歲眉壽六齡矣吾壻于厥氏沐浴方澤者甚深而自顧無以報稱之惟是薦紳先生之文所以品藻人倫而傳之永世者所謂國之雲雨幸惠許之儂將藉手焉余固謝羸病不能治筆硯而家君異日往來於宜亭之鄉耳其微甚熟作而喟曰不可以無詞若其勉之于是進周君而咨之曰昔者太岳氏有功於虞夏殷周之世亂似蟬嫣舊許是宅遞漢及唐而宋熒然雄樹于宜欵之間者君蓋其後也所以劬躬迓昔追紹祖風者惓其若何周君曰

放身霄嶺締煙霞之石交三秀兼饌秋蘭紉佩君之仕國也檢校薦  
華平章風月君之好爵也學陶者矐而未腴擬白者典而不俗胃腎  
涸枯則澆以槍旗章或不成則罰依金谷君之殿最也橫吹參差臨  
霞永慨縫白霓而爲裳種丹黃以俟實君之陟明也宜亭之說張大  
夫開宗明義宜亭之詩胡大夫長言永歌君之薦剡也余曰清矣上  
世則要要者進而救民清者退而修己許氏之祖于吾無間然矣雖  
然子將胡以壽之乎意者將舉太山以爲肉傾東海以爲酒伐雲夢  
之竹以爲笛斬泗濱之梓以爲箏乎不然是未足以盡子之情也周  
君懷然而作曰正爲儂婦翁之德深深者不可以淺謝婦翁之節清  
清者不可以俗闕是以舍旃于猪羊之霍霍而馳一馬二百里之遙

以假辭於下執事將以解儂翁之顏而發其黃河之清使壽觴雖然  
以嚼而永爲難老之祝是則鄙人之至誠也余曰苟如此則水固清  
矣而玉亦潤也然叙翁家譜謀則王文公雄焉叙翁家宴游則六一  
居士妙焉而不佞恐非其任也無以則請以鈴鐘爲禱其辭曰用燕  
以喜用樂嘉賓鏜鏜鏘鏘萬年無期眉壽無已子子孫孫永保鼓之  
於戲美哉此翁家之故事也於以爲翁祝顧不遑哉顧不遑哉周君  
拜手而謝曰言信美矣遂筆之是爲序

賜進士出身試觀 大司寇政同郡梅鶚頓首拜撰

里言恭祝

子書許老先生七旬大慶

擬將老眼看滄桑須覓僊家不老方世人慣談蓬島事不知何處  
是仙鄉仙鄉杳杳疑無路行行遇着許元度蒼顏古貌骨亦奇幾  
疑不在人間任任在人間幾何時此日覽揆慶古稀近覩精神真  
矍鑠遙看兩鬢尚如絲如絲兩鬢筋力好健步登臨却扶老興酣  
落筆草聖工塵下風清羣言掃此翁胸次本過人不與人世共枯  
榮海中譜入長生籙洛下惟餘獨樂園獨樂園中恣盤桓拋却功  
名如等閒經綸可待十年釣事業羞稱五穀賢宅邊種得彭澤柳  
徑裏常來二仲友洒然怡我靜中天白眼看那東西走義方垂訓

匹燕山桂枝芬馥已班班餘皆嶄然見頭角行偕小阮出人寰昨夜聞得嶺梅香今日摘來奉壽觴天運循環春又近先生壽筭與之長玳瑁筵開水陸陳萊堦爭戲綵衣新一時忙着汾陽額笑倚欄杆點個頻親朋絡繹牽羊祝祝盡三多并五福携來珠玉更何人呵氣成雲滿華屋我亦潦倒晉一樽蕪辭酷肖老頭巾酒酣耳熱渾不惜留待齋頭供笑噲

皆

乾隆癸卯小陽月上浣之吉

華陽弟庠生別庵胡巨裁頓首拜稿

恭祝

大德望許翁秦王老年臺七袞榮壽序

余叨

簡命治寧歷有六年矣凡寧之四區靡不公車所至而邑極西隅界連徽郡類多大家巨族如許族自前明以來科甲連雲名登仕版迄今雖科名稍歇犹不乏賢人君子砥柱一鄉余於飲射讀法諸大事彼都紳士晉接其間皆脩述許氏之家聲克振從前之世德群相推望於茲者則莫有過於許翁秦王年翁也余悉詢之僉曰翁幼讀書養氣志在紹述箕裘無如屢試不售始信文章有命數主之因屈志邑掾廣行陰隲五年期滿名著天家斯時復沾沾以祖德宗功



爲急務倡建宗祠聯絡支派凡族中有力不能從者不惜捐已貲以助之所以不一二年間家廟重新勦成義舉是皆翁之正直祥和嘖嘖於人口者且不特此生平濟困扶危惠貧恤乏又復留心岐黃仁慈保赤以致一時春滿杏林功蹟櫛井所稱爲山中良相翁何媿也 翁今庚寅之孟春屆春秋七十屬在鄉城市肆姻婭友朋俱欲侑觴爲翁將頌禱焉余因思撫字乎寧者不爲不久民有奸則懲之邑有善則獎之哉應尔也以 翁有如是之渾厚愷惻祥和寧可無一言作斯邑箴勸也乎大凡行立者其名彰德茂者其壽永此天之所以予人與人之所以承天者或顯食其福或默受其祥又視乎其人之生平以爲符合以 翁天稟獨隆得兩間之至醇既而俯

就一職歸怡於泉石若與世無競乃兢兢以倫理自持以恩德及世當日之聞風慕義者士庶咸高其行屢常滿戶外焉而 翁之朱顏鶴髮精神倍覺矍鑠 翁之顯受其福如此至於御伉儷以敬課諸子以義方而膝下諸子若廷友輩各安其業各守其分諸孫又嶄然頭角悉負不凡雍雍和豫萃於一庭又豈非翁之默受其祥也歟哉由是觀之 翁之承天與天之予 翁者綿綿其未艾也他日登期頤膺

寵錫琪玉蒸霞簪纓聯騎克振許氏之家聲光從前之世德悉可預爲 翁卜也夫豈諛哉是爲序

皆

龍飛乾隆三十五年歲在庚寅孟春 穀旦

賜進士第文林郎知寧國縣事奉調宣城縣正堂加五級紀錄五次

年家眷弟張 彥頓首拜撰

清耆德許季先序

吾族修輯家乘今將告竣矣凡族內有軼行足採美德堪稱者悉標其品誼以垂諸譜牒若吾族名良春字季先者族中之耆德而余之從堂兄也跡其生平梗概不事詩書不殖貨利處心一於厚而驕吝不形涉世主於和而圭角不露閑閑泄泄時往還於農圃之場踽踽涼涼日逍遙於隴畝之上正言正色具有醇龐之風克儉克勤不愧創垂之志此其爲人誠可嘉矣願吾猶有取焉者兄之元配饒氏生男一繼娶程氏帶有一子同至許門兄視之不啻已出而且爲之婚娶以完其室家而使之各得其所又如此者向非有推恩成物之心其孰能與于斯乎是以族黨舉爲約正邑侯贈有匾式兄益敦古處

而挽頽風從不與人詬諍今則年幾八十 朝廷錫賚漪與休哉何  
齒德之並高也雖然此猶未足爲兄重也吾族脩譜一役功程浩大  
費用莫支族之人士難免有餘不足之異未可以一概論者不意吾  
兄推尚義之心敦篤親之誼慨然樂輸銀三十兩斯亦可謂輕財重  
義者矣余也執事譜堂凡有一言可嘉一行可採者莫不欲爲之表  
揚懿範矧吾兄之詰嗣童範丐余一言以垂後余敢故爲推諉哉爰  
是不辭荒謬而勉爲之序云

皆

乾隆五十六年菊月

愚弟庠生嘉誥頓首拜撰

耆碩許得玉先生序

家之有譜猶國之有史也國無史則興廢無稽家無譜則世系莫考  
吾見有同宗相遇而漠然不知其爲何氏者矣同族相逢而茫然莫  
辨其爲何派者矣夫木有千枝歸於一本水有萬派滙於一源其於  
人也亦然萃子姓於一堂派別雖繁何莫非始祖所自出哉以均爲  
始祖所自出之子姓而視之不免等於路人者無譜故也譜之所係  
不綦重哉然而欲修之者必有反本復始之心敬宗睦族之意而又  
不惜傾囊解橐以濟其工本之需而後能集衆以共襄也金沙許姓  
寧邑大族也聞之雖有舊譜歷年久遠支派愈繁聯綴尤不易苟非  
重加纂修俾人人溯流窮源頤枝反本其不至視同族如路人者幾

何哉予舊館東名良駟字得玉者老成篤寔人也謹飭自持語言不苟  
事親孝待弟友與族人交慈祥愷惻藹乎不失一本之意故其修族  
之舉蓄之已久客春慨捐銀三十兩爲閭族倡於是族中長而賢者  
吐而能者力厚而有餘者羣起而應之某也總裁某也分修某也管  
理庶務某也司錢出入開局延師大興剗削迄今冬亦駸也乎其將  
垂成矣則後人之得以按譜而稽曉然於世系之所由末者皆先生  
之功也豈不偉歟先生有三鳳長煬範次煒範其三子燧範嘗從吾  
遊故欲爲廼父番芳徽於譜牒而未乞言於予予曰此亦是以垂不  
朽矣爰書以授之

乾隆五十五年仲冬吉日

華陽弟別庵胡匡裁頓首拜撰

贈許三峰獲上禮遇

自重內輕外之勢行而有司之不獲禮於上者久矣是故一言  
一動之不投不問臧否而輒瀆焉者海內皆是也我

皇上御極以來念有司最親於民屢諭觀風者重之重有司乃以重  
民也三峯許子拜命佐廣漢司彌盜甫三年維清維和維剛維  
明有民用不犯風諸當路賢之承委視篆中江金堂二邑罔不  
效先是巡按陸子核其實獎之既而黃門尤子烏臺李子以清  
理至蜀聞其賢委查印雅巨巨細細蠹縮無遺報政尤李喜曰  
嘉哉有條哉廼用獎之易曰下交不瀆三子有焉縉紳僉謂德  
政有碑其棠有咏兩岐五袴有歌民之於真父母者然也遭此

賢明固可憇然已乎形為詩章以贈連篇成帙以屬予序予謂  
三峯寧國世家也厥弟兩山先生辱為僚案厥甥瓶山胡先生  
又辱愛於楚予知三峯素矣今父母乎我自不能以不文辭也  
遂僭而言曰不獲乎上民不可得而治也諸君知三峰之所以  
獲上者乎三峰自南來左携琴右佩劍傲清獻公入蜀意也清  
和吾知其為琴也剛明吾知其為劍也君子之為治道豈遠乎  
哉術豈多乎哉取諸物而已矣清以居之和以馭之剛以決之  
明以燭之夫居清之謂仁馭和之謂義剛決之謂勇明燭之謂  
智有此衆美優於天下而况廣漢乎其獲上之禮遇也固宜雖  
然弗鼓弗調迺弗清弗和弗磨弗淬迺弗剛弗明緩則厥聲凌  
以替而用之過則厥鏗未有弗挫者三峯之携佩也而豈徒哉  
昔者許令治廣漢之旌陽迄今稱之不衰昔之許今之許也今  
之政非昔之政乎而今而後知廣漢之不能久借三峯也躋華  
躋堦出是物以鳴天下之盛以解天下之盤錯又將獲  
君上之晉接矣詩曰不剛不柔敷政優優百祿是遒

皇明嘉靖十七年戊戌季春吉日

賜進士出身奉直大夫南京戶工部員外郎維江朱屏書

鰲字公常熟教諭去思碑

萬歷己亥之歲不佞國琦以廬江令上計故事得轉繁邑遷令於  
虞虞仲雍子游二氏之里也里素多賢俗龐茂樸敦衿佩之子習  
禮讓能文章方鼓篋遜業即推隆其師傅不佞未入疆忻忻有師  
友仁賢之慶矣比至接諸生以次見踰踰翼翼容止自規余益暢  
喜謂盍簪甫筮多得勦美私計必有端人正士模範作帥鼓化不  
倦不則諸生即襲美揖讓流韻絃歌冠裳文物寧盛若此既齋三  
日展謁文廟登明堂就見師傅則南面而臨函丈之席蓋宛陵之  
許公焉余退而慰曰是人士之宗盟名教之主持也多士之翕然  
彬彬有由來矣余得與公主賓者歷歲又得以計事偕公上春官

益殷勤邸舍以是交公甚驩而得公甚悉蓋方公未脫駒齒便徵  
龍文擅竒童聖兒之譽洩雞撰碑驅雀著賦已英英玉堂間人物  
矣長破萬卷如都百城采緗縑之微言閱典墳之奧旨盪膏飮液  
摘蜚脫犀寢驚伸舒之龍夢吐楊雄之鳳摘詞撰著真足儷花而  
鬪月撐霆而挾霜矣未幾舉孝廉羽儀南國鼓幟昭代公憺不知  
炫韜精潛實讀書益攻教竒竟不一第乃受博士博士秦官也漢  
儀重學通行修之人取博古達今之士道至隆重吏不稱名公侯  
皆屏自衛宏相菜之徒各以家法教授而化始衰迨黃初中學多  
褊狹不能親教止于具員惟樂文載一人並受五業道乃愈替延  
於末季倚席興譏朋徒怠散而學舍頽敝鞠爲園蔬則虞傳之得

公豈非邀靈二氏將復振其頽風歟余悉公之傳虞也土月有課  
歲有程攷德咨行言宗六經誼先孝弟好植潔修者則亟爲獎引  
高文麗藻者則勤施齒牙沃良材以莖露披庶品以春風協同心  
於墳筮鎔躍鐵于鑪冶可謂不汰秕滓自出菁華公更身先不敦  
樂育無窮揖太乙而藜燃受卯金之竹牒齋油素以染翰摘鉛槧  
之麗文武庫經笥墨莊書審固惟人嘗珍味於鼎鬻啖芳滋于雞  
蹠矣又矧愛惡不爭喜怒不着是非託古以見意實寅耐久而善  
交豈非所謂金煉寶摩春溫玉潤者哉至於飭俎豆節禮樂廟庭  
無跛倚之祭核名實嚴賓飲善良被袞榮之勸孤忠亮節必振其  
苗裔巖棲莽伏間發其幽潛捐餼廩以葺宮剔奸源而返晦風猷

耿耿猶不可淆信昔人所稱方中之美範人倫之勝業也他如卻  
修脯軫孤寒傳之保之義兼思悉公之嘉惠多士者難殫述已宜  
公之立諸生于館下者五年尊親之者如一日去廣文而玉堂者  
兩載思慕之者無已時則向之騰薦剡播譽冠冕又孰不得公之  
實者哉悉公者蓋不專不佞琦也顧謬託金蘭之籍重申桃李之  
情則按其呈請臚列公之盛燉礫石勒銘昭公于不忘不佞又何  
辭焉若曰公天祿石渠之客也

天子方賜公以憑亮之重習不佞因有所諛詞則二氏之靈其鑒我  
矣

邑令趙國琦著

鰲字公湖廣兵備去思碑

按我辰沅僻在楚北咽喉蜀粵鑰鑰荆襄司滇黔之門戶制永保  
之崛強地方鄭重所自來矣緣是兵備茲土者百務蝟集而綏夏  
撫夷大費處分蓋在昔泰寧已然矧屬今征播征苗之後又溪洞  
危疑之秋乎所賴老成安鎮而錫之福蓋岌岌矣我鰲翁許老公  
祖以宛陵世族起家粉署邇來

聖天子遠念楚湘多故邊地需材爰允銓部之請出公而仔肩是任  
自公戾止德威畏志厚重鎮浮寧惟是屬吏奏同德之最材官拉  
六部之良而有苗感于至誠因是以刁斗不驚四民樂業郡邑長  
令無蚤夜籌邊之勞而專用克賦役足人材以上媚



天子噫嘻辰沅顧安得世有公乎乃公更有以自念者每于公餘喻志曰余幸邀上寵靈四郊無壘未老之間實不欲以千金彈雀也於是密上書當路歸田里書甫發而轍即行榮哉綠野堂開班欄繞膝煌煌晝錦名壽兩收楚北士民力不得以晉疏致之決矣沅縉紳博士弟子暨耆老軍民苦攀卧之無從謀爲樹碑孔道用紀去思而屬記於不佞夫沅人之碑在口而銘在心烏乎記然而不佞竊有慨乎其爲言也在昔成周之初濟濟才碩布列有位故其詩曰思皇多士生此王國王國克生維周之楨甚至兔置野人皆干城也何其盛也漢唐顯王亦莫不綜核功實延攬英雄社稷之衛代靡乏人比其後也采名之習勝而罔上之奸興履津途而

躡膺仕者乃在於矯飭辯智之徒故其諺曰力戰鬪不如阿爲奏蓋至是鮮不陵遲替矣我國家廣薪樵之路以奠安攘之圖鑒昔五開皮林之役辰沅重地非大手力不能任惟公之來撫也聲靈丕振烽燧無聞甫下車而戢譁兵之亂人得以復覩漢官之威儀焉嗣即清兵糧之夙弊給不愆期兵用宿飽且也運籌樽俎決勝穴庭營哨一時諸材官咸人人策勵也先是湖北一路漢夷雜處軍政浩繁公惟以無事鎮之不動聲色而內外泰寧宇下吏胥無不懾公神明者至若金石之腸冰雪之操待當路以實御屬吏以禮而復波及於師儒時接以謙抑爲之擇地捐俸以妥聖靈以宏科第且甲乙其課藝而不惜齒牙獎勸之仁威並行政教

兼施真所謂敵愾干城不難邊徼者也夫有臣若此謂宜出寄節  
鉞入典夔龍縱令抱有泉石之舊盟亦當使少展匡時之石畫何  
至功實失考直亮不畱而予其告以聽其去乎以視成周漢唐之  
盛時其用人之法何如也第直道在人而公論在野公之去與沅  
人士之思俱屬可記不佞何慨不佞之言是在淇澳與隰桑之章  
矣公諱成器別號鰲宇前翰林院孔目兩京戶部都察院吏部司  
務歷任兵部郎以癸丑夏陞授本道迄今乙卯幾二年所云 右  
奉差整飭辰沅常黎靖等處兵備道湖廣按察司副使

鰲宇許老公祖去思碑記

原任四川左布政使治生張文耀撰文

原任太僕寺卿治生涂時相書丹

原任河南汝南道副使治生鄧啟愚篆額

沅州治下鄉官舉監鄧文楨張士選等二十人

儒學署學正事舉人張九萬訓導高應試蕭鳳韶

通學生員闕朝東等百 人

耆老李蔚等 人

賀廣漢貳守許三峰父母大人榮膺臺獎啓併詞

伏以

冰蘖有守慎勤兼重於清

水鑒無私形影莫逃於照文倅專佐州之美周詢播止攘之能匪  
獨於今有徵於古恭惟

廣漢貳守許三峰老父母老大人卽擢

氣壓五湖

胸藏六洞學精能富時遇自行剡薦秩宗遊六館而收銓籍符分  
墨綬膺品職而蒞要衝附黃堂行五馬之春愛赤子如羣羊之  
牧不求聞於意外自見重於人倫荷黃門烏府之嘉增白壁南

金之價獎其善牧愛也奉一公而寢私謁疏六事而守官箴獎其善查理也酌贏輸而克幹濟勝託付而效勤能不數饒虎臣之竒殆方萬文勝之賜生員某等目瞻丰采心切陽秋敬摺臺諫之文俛索燕詞之賀一言難盡萬善森然縮銅章於目前人中傑也取金印如斗大分內事平行驗斯言豈云呈論

詞曰

世際隆平羨江南人物夙著蜚英筮仕竒特玉潔冰清子惠平法寬征附黃堂撫字荷重寄查理馳聲紹遺芳似鎮南明道鎮東九成

臺諫品裁卓犖致文檄參連交獎同情攜拾歌謠手稱霹靂一

時月旦優評羨花封屢篆人咸道須寄專城憑課最得從公懋賞喬木遷鶯  
右調春從天上來

賀大牧伯金翁許父母老大人政成南旋啓併詞

伏以

一方保障治必藉乎全材

百計撫循澤莫親於良吏蓋政善先之以教善故得民恒出於愛

民日麗槐庭風和棠野恭惟

即顯擢大台柱金翁許老父母老大人墓下

江南宦族天府人豪承訓鯉庭蚤黽勉於家塾觀光象魏久焜耀

於朝班文學孔顏醫傳岐伯知明體貴乎適用故學道先於愛

人筮仕上林芳聞已著於冀北繼遷禹郡仁賢久信於穎南廣

播先聲已報烏臺之旌異孔昭令聞載驚鹽院之褒崇五馬控

朱輪爭看龍飛景運雙旌擁赤鳥咸誇豹變佳期願此號東隅  
虛長吏欽爾國老暫借寇君豈弟溫良敷陽春之有脚公平廉  
介揮秋月以無私聽斷雅持正中稽察咸稱明允經綸庶務罔  
以德教後刑威安輯羣黎不用催科先撫字懲奸祛弊吏胥誰  
敢舞文鋤暴抑強士庶僉依安堵比漁陽牧而非異勲庸共羨  
攸同校穎川長以無雙治効還居第一迺會仙郎有飛鳥遂令  
赤子盡扳轅應魚雅侍清光躬逢盛治敬伸俚頌仰冀青瞻

詞曰

江漢流長見景射南都瑞應寧陽挺生人傑秀帶冠裳侍曉天  
翰傳香喜風裁頓異却好處功著循良羨治績蚤馳聲帝里顯

姓遐方

花封治聯溱洧甫何暮興歌署篆敖倉月滿秋渠春深廣武端  
的秩晉黃堂想山公登啓不遲速擬上巖廊近宸光慶御屏書  
字卓魯龔黃 右調春從天上來

明萬歷十六年戊子孟夏之吉文林郎陝西神木知縣龍門雷  
應魚頓首拜撰

賦

吾郡倅三峰許老人佐郡三載牧愛昭著勤能播傳承上  
 檄兩邑署篆代欽差各縣查盤交有幹才遂致聯獎州士夫  
 侈為彩帳綴為卷什以紀其事予乃據事直書畧為韻次以  
 敷布其美而賦之若夫斐然成章尚有俟於大方家也賦曰  
 明嘉靖萬禩戊戌歲新時維三月姑洗律生惠風為之和朗人  
 文怡其宣明朝廷公道樞要奉行粵維漢州肇封有名參以五  
 衛松茂慨軍民之雜耕通以六路水陸苦衝要之縱橫治叢脞  
 頻送迎田瘠薄用紛紜當官者夙興夜寐不勝其艱辛佐理者  
 周爰咨謀不勝其經營此志所以謂之益州之要地蜀郡之喉

咽也爾廼三峯先生江南英俊一命恭趨廣漢佐郡下車之初  
悉展厥蘊有弊則除無利不振禮御崇卑則不諂不驕分安履  
歷則惟清惟慎施惠慈則先艱獨守遜讓則忘怒忿成石有歲  
則思宋祖之垂芳若上帝之臨若神明之敬廉銘示訓則追理  
宗之孔嘉如方塘之開如澄江之淨此則盡職分之當爲行分  
治之本政論之定兮鄉評名之著兮實勝美譽日新芳名月盛  
此則堅赤幟於有司揚白眉於劇郡也凡斯政績考古參同近  
而稽之於吾州也猷言輒中慕李毅悟守之明佐理成功符文  
同清心之美揚闢判郡之有治狀今治與之齊驅周詢倅郡之  
有能聲今能與之同軌是則是做仰止於高山不愆不忘永思

於江水遠而稽之於成都路也想像其丰采則有參軍思貞勉  
維其惠綏則有鈐轄張佶步鐘離瑾推官於簡事皆求實踵鮮  
於先節判於綿守皆畫一明刑則律令乎行簡之詳蠲稅則軒  
輕乎楊佐之鞅蘭芷兮比聲星鳳兮疇匹再遠而稽之於全蜀  
省也董樞判劍而力挫其強邵擘錄蓬而民懷其惠陳進取則  
法陸游判夔之策酌賦財則追李燾判潼之例李獻別駕於眉  
而整嚴張方提點於嘉而補獎判瀘川而攝郡事者何湛之才  
當旭川而佐經制者昌齡之計此皆二郡炳煥治聲犀銳歷歷  
可裔者也又遠而通稽於天下州也任布副安肅而請飭邊防  
季常佐名滑而留意政事毫得楊凝幃幄則水患遂消蕪得王



質調持則邪術自棄謝絳於常而直言徐勣於通而惠利劉沆於舒而決疑胡宿於宣而撫字王忠嗣能使代豪閉門任廸簡能感豐姓悅意治尚課嚴李及之於曹也親供吏事宋庠之於相也開河灌溉劉敞之於蔡也赫著政聲寇下之於耀也止雕鴈羽箭者張穀之在同也倡吾道正學者游酢之在泉也或建功於一時或永譽於百世或應務成幾或權常造變或共薦於縉紳或特諭於宸翰或為刺史或為諫院此皆播之宇宙載之簡編一一可法者也於是君侯以今視古先後合轍由尊達卑贊美同聲滿耳聞歌謠之詠牛童馬僕而美同鄉評悃幅無邊幅之修犀水鴈江而操許獨清遂致政聲上逮文移下嘉新綠

嬌染春之柳鮮紅妍過雨之花曉呈曙彩輝映星槎露珉中之玉表鳴佩上之衝牙遺珠嘆於立本豐劍識於張華因真而獎匪偽而誇政立根基推環璫於璞中之璧頻來勸勵豈猜忌於杯裏之蛇指其所見符於所聞經畫學校之首務人才著稱資助郊野之來旬耕獲年登廉耻厲而盜息寬慈施而刑清分各安兮訟簡生各遂兮戶增喜其有善牧愛之績取之為良有司之稱此始而獲上禮遇以得獎者名實相須上下相因也若其丙申之秋膺凱江之推署也以治郡者為治邑之舉以惠此者為惠彼之推物潤兮甘雨仁行兮王飴憫孤老尊高年奉廷詔而無遺拙催科勞撫字式格言而足師高標逼元武之峻清

戒澄洗筆之漪繼而丁酉之夏荷金淵之握篆不惟借廣漢之  
餘采且又轉中江之順艘士類仰其斗山民物被其膏脂一塵  
不污百廢有條家畜鷄豚何用馴雉田植桑麻胡在種菑池兮  
龍飲可比其潔山兮雲頂可擬其高驗風力鳴署邑飛星符同  
火急嘆鸞鳳棲枳棘欣井渫宜綆汲中而獲上禮遇而得獎者  
民安其業署稱其職也若其節操稜稜廉知於烏府聲名藉藉  
見重於黃門受其查盤之託勝其負荷之輪欽差者代

上命而綜核省儲君侯者代欽差而簡稽參均紹轉筋之敏兮頃  
刻速成得鞭算之長兮圭合研精竊會計之餘潤得度支之條  
分究儲蓄多寡之數析帑藏毫釐之明照隱微而心計懲奸慝

而指陳法行吏畏公秉神驚如玉之潔如春之溫如矢之直如  
衡之平泯私議之軋泐寂齟齬之紛更奉法能職課最莫勅克  
幹濟兮嘉美效勤勞兮奇英崇拱壁重遠珍識鼎味知醴醇終  
而獲上禮遇以聯獎者為其事而有其功如有譽而必有試也  
率其獎勵則自始而中自中而終出於諫臺則由陸而尤由尤  
而李發於歌吟隨所在而有農工商賈華於帳軸盡所長而言  
生青畜撫若此撫拾敢效一得之愚自愧滯哇難鳴三峰之喜  
然培土為封固不可謂之山也而引泉赴海獨不可名之水平  
言之若不足乃投筆而歌曰瞻彼三峰何巍巍兮我棲林泉觀  
雄飛兮每懷翹望仰德輝兮聲聞于野馳斯譽兮聲聞于天從

此基兮懋賞懋官正攸宜兮時則可矣母生疑兮其政琅琅其  
美洋洋有馨有香有文有章燕石子不能精蘊之發揚其首也  
徒昂其目也徒張於是乎手錄臺諫之獎文肆爲篇賦聞之當  
路達之

朝堂

帝將喜曰俞哉差強可以徵入可用賚襄不能感會而相遇容有  
深契於彼蒼

謹錄先代名賢所贈詩藁

題雙廟沁園春

宋丞相文天祥

爲子死孝爲臣死忠死又何妨自光岳氣分士無全節君臣義闕誰  
負剛腸罵賊睢陽愛君許遠留得聲名萬古香後來者無二公之操  
百鍊之鈞 嗟哉人生翕歛云亡好烈烈轟轟做一場使當時賣國  
甘心降虜受人唾罵安得流芳古廟幽沉遺容儼雅枯木寒鴉幾夕  
陽郵亭下有奸雄過此仔細思量

鐵筆歌

元韓 鏞

皇天生我兮男兒君王用我兮熊羆力拔山兮勢雄氣貫日兮虹霓  
月正明兮磨鎗礪劍星未落兮擊鼓掀旗擣賊穴兮焚寨斃賊肉兮

金沙詩以言詩 卷二  
充飢食馬草兮計盡殺妻妾兮心悲爲厲鬼兮身披鐵甲爲明神兮  
手執金鎚亦莫指我爲張飛亦莫指我爲張儀我乃唐之張巡與許  
遠兮同時在東嶽兮押案都統使兮陰司事蓬萊兮殿直任鄴都兮  
獄推景祐真君兮陽間封爵忠烈丈夫兮天上官資謾濡毫而寫翰  
俾世人而皆知

謁雙廟

柳陽曹璉

二侯協力守封疆一片丹心日月光祇想成功安社稷豈知無計脫  
睢陽煙塵劍戟空千載風雨旌旗暗八荒獨有精靈存廟食令人弔  
罷淚淋浪

前題

無錫顧允迪

保障江淮志盡忠曾看唐史識英雄堅城已竭生前力殺賊常期死  
後功廟爵幾朝追武烈居民千載仰仁風當時百戰雖勤苦贏得流  
芳宇宙中

前題

潮陽邱俊

睢陽雙廟譽無窮完節天教付二公英魄若遲三日死簡書那載萬  
年忠孤城力障江淮難百戰心成李郭功耿耿忠貞誰得似古今青  
史見褒崇

前題

宣聖六十世嫡孫承慶

忠節秋霜肅肝腸鐵石堅擎天心未展填海恨難捐許遠情何極張  
巡義可憐凜然生氣在千載照遺編

弔許太守遠公

華容董廷圭

誰似睢陽太守賢  
臨危九死節彌堅  
身同張令甘塗地  
義與胡兒不共天  
百世芳名昭信史  
千年遺像託凌煙  
不知擁衆傍觀客  
當日何顏會九泉

贈繼隱

吳誠齋

富貴路方熾  
山林跡漸蕪  
伊誰忘利達  
家世守樵漁  
朝彥時通問  
居常懶答書  
俛思庭訓切  
終不就安車

輓柏崖

憲使約齋

掇得乾坤雪裏青  
循簷深植長芳英  
參天碧榦影浮沚  
欹枕冰梢雲外聲  
鹿卧蟠根徒戶守  
鶴彈枯籟對窩鳴  
九原麾下遺風遠  
割榻雲

山幾萬程

輓愚隱

邑侯李 綬

溪山清影少人知  
此老當年獨擅之  
雙屐緩移行樂處  
一簑踈雨釣歸時  
姓名不與王侯識  
高尚寧爲勢利移  
今日淹然成物化  
清風千古子陵碑

贈筠莊

郡守

看竹何時徑出城  
溪西亭上濯塵纓  
青紋逼座成真畫  
白鶴迎人似結盟  
風外賴便紗帽窄  
雨前偏愛葛衣輕  
昨聞地主能容客  
飲量何輸阮步兵

贈守素軒

廣文宗子欽

平生勤苦讀詩書芥世功名樂自如荀氏八龍皆尚義田家三子悉  
崇儒交梨火棗間中玩姪女黃婆靜裏娛何日丹成休獨善願將妙  
術授于予

贈宜亭

宗子欽

曩年曾喜構宜亭晦迹韜光樂此生郭氏塋經間裏玩杜家詩法靜  
中精滿懷風月隨時得入眼江山到處明媿我儒冠未能脫何時得  
與共怡情

前題

孝廉陳

君向高坡種

竹來時聽清音遶趣圖書盈几悠然天地胸襟

前題

中洲鄒近魯

碧水丹山古竒修雲窩穩卧薄封侯平生事業惟耕讀稼滿秋田書  
滿樓

前題

鄒近魯

詩壇類將壇列竹如列戟獨坐隆中翁長吟參太易

前題

新安胡六光

宦鄉歸興祗三宜林下閒身適所之老去風煙渾是伴春來花柳盡  
堪詩禹鈞家剩千年訓范氏田餘百世資俯仰乾坤成浩蕩亭阿何  
必漫沉碑

輓遜山

宗子白雲謙

天假文章手家傳道義心錦標雲外夢紫綬日邊音王奇多春色甘

金沙詩以真言 卷二  
棠嶺暮陰曾分上池水遺愛在人心

三峰公佐守廣漢諫臺聯獎紳衿謳咏集

擬易

獎三三三

獎亨利君子貞无咎彖曰獎勸也獎亨貞而无咎是以順乎天而應乎人獎以慰勞賢能自召獎以綺語箴規攸寓獎之時義大矣哉象曰以將從大獎君子以成人之美初九以獎天衷吉象曰以獎天衷獨行願也六二獎賢君子无咎象曰獎賢无咎不撓乎下也九三獎有功朱紱方來受茲介福象曰獎有功未失道也朱紱方來无所疑也受茲介福乃有慶也九四誘掖獎勸有孚發若吉介疾有喜象曰

九四之喜光大也九五褒獎懋賞大吉无不利象曰九五褒賞位正中也大吉无不利勿問之矣上九同獎王室亨象曰同獎王室亨志大行也

擬詩

温温恭人敬慎爾身維曰于仕莫如南土柔嘉維則民之父母温温恭人實獲我心今此下民高山仰止徧為爾德令聞不已温温恭人以莫不興是則是傲有馮有翼顯顯令德小人所視温温恭人福祿來成令聞令望郇伯勞之以嗣以續召伯勞之温温恭人王之蓋臣乃覲于京豈曰不時在帝左右髦士攸宜温温恭人維周之楨聲聞于天靖恭爾位自今以始以永終譽

温温恭人六章章六句

集古七言律

更說官僚眼倍青帝于京兆最知名觀風共羨新為政看竹何須問  
主人井轉轆轤千樹曉劔橫天外八風清平生志業匡唐舜從此還  
應頌有聲

李 郢

胡 宿

崔 峒

王 維

許 渾

譚用之

韋 莊

徐 鉉

七言律

為政嘉猷清慎勤居官克盡自彰聞導江引漢終趨海積歲成霖須  
杖雲莫快獎崇旋足意尚圖策勵迥超群許多宇宙當為事銘鼎垂

芳始是勲

又

胸懷醞藉仰英豪酬酢煩衝識見高枳棘暫羈飛鳳翮絃歌累試割  
雞刀頻來樞要嘉言獎庶顯循良拔俗標課業有成行報政優崇天  
語下丹青

又

雄才抱負倅廣漠紛叢裁決迎刃斷催科內裏撫字含刑罰中間教  
化貫民安田里孰與勅名譽發舒日星煥終徹重瞳照課郵相見何  
晚發長嘆

五言排律



宦海無涯淡操舟利涉通循良馳四野偉望仰三峰廣漢分符泣黃  
堂贊協恭隣封握篆素赤子被圓融徹底清如水洪聲發似鍾夜村  
無吠犬春畝有耕農牧愛瞻慈母查盤剗滑雄歌謠媯化日臺諫采  
民風華土能鳴劍扶桑許掛弓清時公道在增秩茂勲崇霧濶成文  
豹雲達漸進鴻課郵終鑒別順麗大明宮

又調

南鄉子

閒坐小窻吟人報君侯獎勸臨職業能修獲上心情欣鳴笛高樓有  
賞音聲價重千金徵入從茲作傳霖所學平生期不負來今試聽  
薰風上舜琴

又調

鷓鴣天

岷峨對峙漢山峰太守階聯地位崇治獄無冤金定國化民有道昔  
文同翼黃堂坐嘯中馳譽清廉播遠風聽取德音傳帝座超羣高  
擢慶遭逢

送許子德卿得告南還遷莖詩二首

有序

許子德卿早負才名壬戌校文禮闈得人爲甚乃翁三峰先生嘗  
令巫山雅有善政巫人至今德之

其一

仙郎朝上疏夕宿潞河陽桃李陰方滿松楸思更長巫山還墮淚宛  
水自傳芳爲問新阡上合增日月光

其二

金華詩集卷之二  
藁莖緣貧病含情十載餘忽驚雲誥重翻痛夜臺虛陟岵先流涕臨  
岐尚唏噓感君純孝意不忍滯行車

前題

兵部侍郎德清蔡汝南

畫省蜚聲日齊雲極望年鶯遷辭上國烏繞憶重泉恩賁松楸路忠  
縣雨露邊此時司馬去不爲渡橋憐

其二

選部冰霜凜才名歲月長九層承允命八座贈離章沙揆新阡勝蘭  
遺舊署芳知君念多壘不久滯江鄉

前題

兵部侍郎吳舉喻 時

雅才流鳳陛峻節豔鴻樞獨抱穀梁識誰爲媒氏拘天涯走霜露故

里切松梧惆悵陵陽遠淒清舟次孤好將防事畢不久召神都

贈 萬英公恬退詩

遼陽都御史胡宗明

歸去山中筍蕨肥石峰茅屋薜蘿衣一卷黃庭消永晝閑看白雲自在飛○山人赤脚雲中行煮石巢峰餐玉英有時庸才出餘潤碧落後花無恨情

河南道御史趙善鳴

石峰無草不菲芳石髓流泉帶月光認得相通山澤秘許君來卧石床涼○石峯之頂接雲霄霄淡靈根長百毛如此往來都不息生生化化自陶陶

貴溪少尹敬峰公穆清四頌序

邑治之以長長佐之以丞境以內皆得紀綱而覆露之然長實握其  
權丞不與焉僚友之間縱有規畫調停降於民民惟曰某令君善政  
也卒不曰嘻令君之愛人某君之澤也則丞雖賢安能令頌議者歸  
丞許君佐孫侯治薊溪數年惠陰及於薊溪者甚盛民不知也春間  
以侯入覲得代邑政許君慨然謂不德之身藐然暫寄民上民即馮  
我以生敢速官謗以煩刑書哉誓不侵民一粒一絲即舍肅然徒餘  
兩袖清風耳會督學使者至驅俊乂拔其尤號稱得人青衿歌樸棫  
也他如計軍實而伸傲之民賴以高枕領國儲而轉輸之民賴以不  
擾功德種種乎民者不可更僕數民於是咸翕然頌君謂吾儕得庇

其寓下真不愧於侯居無何還政令長民思君益深學士大夫謀爲  
穆清四頌君之水蘂也君之作人也君之飾武也君之安民也頌成  
求余引其端嗟夫吏之難惟代政者難也以丞而代邑長以茲尤難也代  
政者計不過六月息况以丞一旦乘一邑之權孰不欲籍羨餘充私  
橐日且不結遑問吏事偷合取容苟安且夕令民日遑遑於草莽誰  
責哉噫民一日有一日利害一息有一息精神執政者不亟爲之圖  
民奚望焉若許君者真不負代政之寄可以風云余出許君伯兄先  
生門下嘉君之家學淵源而墳篋迭奏也故爲之樂道如此

皆

萬曆二十四年丙申六月吉日

賜進士出身亞中大夫南京太僕寺正卿前職方郎中食一品俸鉛

山費堯言頓首拜撰

又

士之仕也惟盡其在我徵諸民心之向背而已其崇卑久速非  
人力所能與者君子所不計也是故苟可以仕則乘田委吏抱  
閔擊析皆可以隨分盡職而不愧於所學不然雖位三公祿萬  
鍾尸居素餐不過與草木同其榮瘁耳世之爲干祿學者率尚  
記誦精時義以捷進取漫不知世代閱歷問學根抵若書麀  
讀崇資坐客掩口實煩有徒至於蒐羅百代沉酣萬卷竟不獲  
大受亦數之奇耳人也何尤吾邑二令君敬峰許侯宣之巨室

家學淵源科第蟬聯早歲馳聲藝苑督學直指屢試優列沉浸  
醲郁含英咀華時吐其辭如淵珠海錯乃祖修翎以

廷試高等來倅吾邑侯安於所遇中無芥蒂慈祥豈弟博雅端方挹  
之冰壺秋月操履吏事播諸四頌可攷而知也咸擬峻陟適有  
長沙之命士庶爲之搯擊昔晦翁之論賈生惜其才高其志而  
狹其量維陽少年學術之踈固宜爾也侯老成持重遊心周程  
適情莊屈量則宏矣

藩封之賢比迹東平荆楚爲天壤名區於山則衡岳於水則洞庭  
於澤則雲夢皆足以抒抱發思輔道之暇時一登臨觸景寫懷  
異日命奚倒囊彙編成帙當日過湘水遊赤壁諸篇後生相輝

映矣引領珠玉以豁塵襟

峕

皇明萬歷二十四年丙申孟秋之吉

賜進士出身亞中大夫湖廣布政使司布政前分巡荆西道整飭兵  
備按察司副使邑人邵伯悌拜書

贈

敬峰公穆清四頌

琴堂冰清

治下七十五朽慎所徐榮祖

棒檄山城政有聲三年操守見冰清戎廳松簡棠栽遍攝縣民  
安竹報成栢樹先旌文學異烏臺連獎吏材精喬遷指日承

金沙詩以詩言 卷二  
新命不負儒冠舊濯纓

筆籌鎮靜

前名

聖世循良化綠林桑麻滿地翠陰沉風流日與琴書友愷悌時將詩  
酒吟鎮靜雅歌人樂業安閑巡警不遺金陰符高畧民懷惠想  
見遷音指日臨

前題

治下宇華徐 壯

佐理花封事事宜清戎糧捕見才奇村村鷄犬眠花徑處處牛  
羊牧柳堤市井絃歌安樂業山城士庶喜師資穎川借寇無能  
及願續參軍峴首碑

森然

江應熊

戈鋌環衛擁旌旄富右胸中龍虎躍揮筆自應籌畫定止戈安  
用折衝勞佳辰歡晏香凝霧暇日長吟松起濤不道郊關兼旅  
泊無愁風雨綠林豪

琴堂

薌溪後學周明佐

政聲伯宰惠民深署篆清風樹宓琴日對雙松了公事永懷遺  
愛芟棠陰

文苑

前名

華胄文章早挾名全憑藻鑒拔儒英公門桃李勞新植幾度春  
風幾度榮

籌筆

前名

文爭能兼武備材四郊巡警盪氛埃於今按堵昇平樂籌筆都  
從鎮靜來

汎舟

前名

督賦賢勞儼會城受知當路料量平青雲知舊誰相慰爲怪各  
儒不負丞

又五言詩總

前名

慈愛剛三稔賢聲播兩間投艱當底定臨劇更安閑苦節同薌  
水高名重勗山羣黎咸涕泗不忍二車還

前題

樹風聲

詞林稱巨擘有備更譚兵韜畧曾淹貫陰符素講明潢池烽火

息奠後陣圖精樽俎惟談笑能令四境清

前題

門生徐大任

有美陵陽谷胸藏濟世才湛恩沾百里棠樹爲深培

前題

門生徐大儀

雅什同崔子醇儒類董君江都如有問登對定超羣

前題

門生李庭秀

時平知克詰慎固令嚴明四境安如堵胸藏百萬兵

琴堂冰雪

治下字華徐壯

山城童叟咸相慶佐治爲言得許渾署篆冰操敷古道清戎雪  
色更忘言無私明月千山朗有脚陽春萬井温文學吏材應獎



勵何期遷轉入

王門

前題

周明佐

使君獨抱古人心分手聊揮單父琴  
共道和聲通政令頻看瑞雪繞郊林  
王壺清有千花映冰蘂塵無半點侵  
自是朱絃鳴雅調高山流水遇知音

五言

葉承祖

南薰曾有味譜調入新絃吏散虞音  
嫋風清宓管研冰霜堪比潔金石可  
同堅更續民安操應收附聖篇

前題

李挺秀

宓子垂遺範和風起後賢獨憐冰蘂  
操應共雪霜嚴

文苑春風

徐榮祖

哦松三載愛民深署篆花封識古心  
選士命題優學問掄才衍義敞胸襟  
春風化日簾垂晝和氣薰人鶴對琴  
雨露堯天敷遠域行看特簡下

綸音

前題

徐壯

署篆薊溪間俊髦網羅雛鳳用心勞  
一經品列璠璵重五典敷陳譽望高  
入彀英雄皆白咎登門毫傑盡藍袍  
春風得意從今始引領天邊種碧桃

前題

陽春芳信動梅花錦繡文心閱藻葩高下根莖先已露色香品  
第了無差翹翹諸子乘風起藹藹東君當歲華桃李他年能結  
實休忘雨露發萌芽

周明佐

五言

葉承祖

使君精內照超出驪黃間校藝符明水掄才得火山參苓收藥  
品桃李植賢關一意崇儒雅歐公爲可攀

前題

李挺秀

共說懸明鏡沈酣萬卷餘參耆收藥品苑李遍階除

汎舟仙登

徐榮祖

江右循良世所稀我公才調動真機灌輸西下先登岸轉運舟  
中獨早歸京國廩儲堪重托省臺薦剡定相輝福星三載臨吾  
邑萬里功名屬

禁圍

前題

徐壯

揚帆冬日過鄱湖兩岸菰蒲入畫圖民力爭輸完  
國課例金須却足官模司徒復命先行獎糧道催科望已獲政協  
瓜期擬殊擢王官尤自屈真儒

五言

李挺秀

東南財賦地力竭已多年盼盼征輸苦搖搖轉運憐度支書上

金沙詩林卷之二  
考鄉校播華篇千載遺黎頌奇逢督餉賢

其二

前名

昔歲司運者殘民已數年使君三月內百姓得安還

摠

劉榮祖

漕粟年來苦汎舟使君先事有奇謀鳴琴共惜牛刀試籌筆應  
無犬吠憂藝苑掄才勞品第文場覓句足優游三湘自惜羈才  
子太傅何須爲屈愁

前題

午榴灼灼旆旌懸蓮葉香風動畫船正喜紫芝眉眷眷那堪青  
眼淚泣泣藍田廳壁各須動珠履王門客最賢朗月清風思欲

見夢尋長度楚江烟

前題

畢世禰

舊傳南國擅才名最勝君家弟與兄花萼昔年通御氣哦松今  
日伴琴聲傷時且作長沙傅懷古還徵汴國卿兩袖清風傳素  
業一經元不羨全贏

前題

楊一桂

羣黎解慍甫優游詎意茲辰有別愁城垆鍾情攀去駕膠庠何  
術繫行舟穎川異政千年在渤海芳名萬古流四頌未能彰令  
德循良端可匹前休

贈別

徐榮祖

金溪詩話卷二  
才美江東羨我君崢嶸宦業此中聞  
峨松久播山城頌樓棘那堪楚國羣  
賈誼游相慚王德劉蒼在漢著臣勲  
遺風杜孟千年麗早寄冥鴻五色文

贅字許先生計偕贈言叙

今我

皇上御極之廿有八載明年辛丑又當

廷試天下士於時贅字許公蚤蜚聲南嶂登賢書典教吾邑將五  
易歲期再領部檄計偕上春官業已成行諸弟子以去觀磨爲  
之歛歔戀慕而余輩雅沐諮覲亦相與吟吟有不能釋然於公  
者因頌德揚休形之篇什諸弟子介余表侄曹生儀周謂余言  
許先生之天韻冲穆蘊藉有年如巨幹參宇良驥伏櫪飽風霜  
歷險巇已久一旦乘風雲之會扶搖千里蓋轉睫間矣顧先生  
之範二三子如其所自範無論考德問業而解紛難均休戚振

淹抑拔良俊所以骨而肉之者人人厚幸陶鑄洪治若將終身  
焉茲行也景曜風神步趨日遠托以遐寄能綴詞余曰嗟嗟離  
合奚足以限人古之君子有行滿一鄉而式邦國者矧公之披  
實心攄文敏以相告誡悉經義治事之規二三子佩明訓翱翔  
寓內共翊太平德業之盛如桓春卿之推本何仲弓而握符鼎  
光翊贊以各行其志因所契合終其身宗蔭不替爾時道益尊  
人之情實益見離合奚足以限之迺余之說又有進於是者昔  
君牙世篤忠貞元成踵賢相漢千載猶芳公尊人爲憲副稱名  
碩而菁華擅世矢志作求以光厥緒行當首策天人五雲齊唱  
上不負

朝廷之儲養下不負家庭之燕翼則是行也又安能不亟亟也岱  
雅辱垂眷余子時俊夙承啟迪歛歔戀慕何以異於諸弟琴水  
湯湯星槎過發遂次第其語於卷首因以寄余之私

皆

皇明萬曆二十八年庚子秋仲

海虞錢岱撰

不佞枝虞鬻士也茲幸叨升斗于楚之西陵黑土明年春  
海內復當大比士我虞學博鰲南許先生將赴公車行爲  
文寄送之

古稱師與相天下埒詎惟功業似機亦相因邇年翁公足膾炙

都人士口以彼他日所建豎安可涯我虞自絃歌倡教邑號巖  
劇衿紳最盛吾鄉宣城鰲南許公以儁才弱冠魁南士乙未歲  
始來秉鐸吾邑下車首重德行黜浮薄廉白公清動先身範修  
舉廢墜功令出囊金新鬻宇爲諸士解紛難佐貧卹匱暇則結  
文會懇懇譚道力學昔安定不是過尤嫺古文詞經世制畧天  
文地理窮邊極遐靡不披剔博練胸富兵甲剗割庶務游亦多  
助勸邑大夫所不逮督學使諸監司咸器重之爲騰薦剡下區  
額者屢茲當以上春官行公夙有厚抱寧使薄發知必繼翁起  
直追吾邑吳公風猷海內士悉納莠李蒼生胥沛之霖雨矣所  
稱師相業似機因是耶非耶不佞校會謁公燕即兩邊弗值補於公

久從弟拭弱息泰交又公門下士荷冶鑄飛羽西陵感私鼓躍  
誠憾五斗相羈弗得與梓里人士候塵足以氣相期許人世間  
寧有礙耶志所足觀法及寄所感懷何敢以不文辭是爲序

皇明萬曆三十八年庚子仲秋

夷陵守鄉侍教生陸枝頓首拜撰

鰲翁許老師北上

三月曲江花正濃神挈踏遍馬蹄紅中原豪傑皆兄弟南國文  
章自岱崑賦罷黃鸞歌柳陌宴回錦袖拂春風也思虞嶺登臨  
處綵筆頻題寄片鴻

晚侍教生龐伯雛

宣城佳勝接三吳特放文光照海虞經史笥中經濟術聖賢路上聖修徒教行化洽今安宅斗仰山瞻昔大儒此去上林花正好馬前春色已先驅

望耄散人張祖科

大殿撰許老師北上

此日公車上

帝畿英才濟濟擁旌旗講筵共沐陶鎔久符寶翹瞻寵渥時芹水風清螢火士杏林春近鳳凰枝瀛洲開選誰登首三百應推我邑

師

年家門生陳大揆頓首百拜

欲赴公車徹絳幃前駟四牡正駢駢奚囊綠綺當軒奏出匣龍光照乘飛秋水芙蓉堪戀戀春風苑李尚依依只今海甸方多事願上昌言弼

聖違

門生浦世彥頓首具草

高門幸辱五年游誼重尼山意味投久藉執經親講幄俄驚挾策上

皇州鳳鳴向日期紆展鵬翼乘風肯滯留此去杏華應首折好題

佳句曲江頭

門弟子連士英頓首拜贈

翩翩名擅宛陵豪  
奎壁光騰映彩毫  
特爲漢廷掄國士  
首將董策冠時髦  
占鰲况有賢書早  
側席寧虛

聖主勞獨悵傳經門下者  
瞻依目斷五雲高

門生李炳頓首百拜

許老師北上

斗南才望高陽擅  
振鐸名邦化雨新  
三載傳經尊闕里  
一時行道見河汾  
王程柳色隨文旆

帝國花香待獻臣  
佇看春光呈五瑞  
杏林遊遍馬蹄塵

門生徐立敬頓首拜

韓檠便且光鄴架  
滿書帙胡條振大雅  
程門先氣填吾

師範以模四賢遠  
相匹學韞三篋書  
文成五色筆菁莪  
遐作人蘭芷洵師  
率射策捷南宮  
翻書登秘室文章  
飭吏治世務藉經  
術寓縣方紛挐巖  
廊虛輔弼乘時沛  
經綸指日開羅畢  
再覩唐衢天再瞻  
化國日佇延勛業  
崇匪第誇祿秩

門人王育仁頓首百拜贈

鰲字許先生北上

秋風吹送宛溪船  
歷歷江楓夾岫鮮  
琴借絃歌聲化日  
書探帷絳禮



宸天垂衣

帝廓思熊卜虍席霄籌急網賢聞道上林春色早馳音先報洛陽箋

瑯琊主士琪

高陽才子振金聲思樂思沾頌許衡棘院昔將仙桂折禮闈今  
爲杏花行江南秋色催書劍薊北春光待主盟宴罷曲江西笑  
愜好施膏澤化蒼生

門生歸紹華頓首拜贈

海虞文學冠中邦陶鑄人羣屬大方模範泰山懸日月才華星  
斗煥文章從今甲第仍先業此後經綸慰廟廊吾黨不須啣別  
恨先生德教永無忘

門生沈 祥

傳經方幸首門墻表宅仍沾錫寵光未共上書瞻

黼座那堪卧轍送河梁卿雲曉麗黃金殿藜杖宵燃白玉堂忠孝願  
言紅世烈漢廷不獨羨長揚

沐恩門生桑孝成衛凝甫頓首百拜稿

公車鱗集賀先容咫尺絲綸日月中奎麗欲占婁降次名高應  
捷紫泥封征衣花撲雲龍繡逸驥星馳鴈道通五載甄陶情倍  
切片帆無柰屬秋風

老師掌教虞城志儀刑獨切庚子秋計偕北上臨別歌次俚言相  
贈

門生宋懋志頓首百拜

賦得惠風蕩繁囿贈

鰲翁許老師

華風來新陽窮陰已改故游目芳甸中欣此百昌布南園奕李  
花歲幾幾千奇但說春花好誰念春風度

先生賦性冲夷摘詞古雅來鑄吾虞者六年人握靈蛇家抱  
荆璧其春物之駘蕩乎不佞兩見謬列奕李竊沐光輝莫報  
碩德聊賦短章情見乎辭

通家第何允濟

奉賀

鰲翁許老師老大人計偕北上

先生胸羅一石才五車三篋咸瞻該懸河走椽鸞牋上飛雲噴  
雨蛟龍來年少洛陽聲藉藉月枝高折翹賢冊文星暫黯逗英  
雄俯就廣文開講席我虞幸荷碩人臨端模樹範型青衿小子  
愧非立雪侶披幃併沐春風深指迷方恃司南在忽復公車上  
三載連城拱壁終露竒

天子憑軒亟枚採驂驪嚼勒驟康莊神虬天矯翔滄海逸足前飛後  
附蠅敢學蜩鳩漫笑鵬長安陌上花如綺勉追十駕快齊登

門生程王潤百拜撰

鰲翁許老先生北上

祖道壺觴繞翠微行旌北指帶秋暉風生鷁尾潮初滿雲送鵬

翰雨罷飛長樂苑邊聽曙漏曲江花裡換春衣簪纓奕葉聲華  
重濟美含香入禁闈

古虞八十五翁張國臣頓首拜稿

汪度涵光霽譚經四座傾淵淪秦博士尔雅藻明經高蓋臨秋  
水輕輿趁曉程緬懷遺教在瞻戀可勝情

門生孫道性百拜贈

江上芙蓉錦片秋掛帆風穩是瀛洲曾誇折桂推高等此去看  
花擬勝遊久托龍門殊未報深慙藥籠亦兼收春來佇待泥金  
字一路紅香驟紫驕

門生戴其功百拜贈

盛世文衡賴主持化均莠李荷無私造士已蒙新穢俗臨軒遽  
尔策名儒騎發秋風應逐電龍躍春濤會聽雷攀轅莫遂晋連  
計桂花香裡漫徘徊

門生錢朝佐百拜書

久荷陶鈞頓索居挽停騶蓋話臨岐征棹遙遙三汲浪行色匆  
匆數卷書宮牆此日瞻安定冀北明年識廣微莫謂玉堂勤召  
對寥寥魚雁費馳思

門生孫朝柱百拜書

杲杲秋陽驛路遙仙僚扶策上青霄文旌前指奎光近官舫輕  
隨雲影飄數載恩情懷德化一朝離思捲風標吾

師自是奪魁手此會應須得錦標

門生張世楨

宛陵自昔稱天府陵陽洪公峙茲土鍾靈孕秀產人豪  
先生繼美躡前武賀羅錦繡吐珠璣弱冠高攀月桂枝暫試鄭  
虔廣文館春風噓拂桃李滋鱸魚啣集雅非慕禹門汲浪看飛  
渡三百群中射萬言紅箋遍揭平康路始信神龍會有時誰云  
久蟄終蟠泥相待瓊瑜惟信宿聊獻長言當祖卮

郡庠門晚生周汝楨頓首拜贈

名家甲寧郡才高天下聞炳炳山斗仰廣文自不羣五載時雨  
洽姑熟多人文諸生望宮墻丹桂時芳芬八月上公車三策獻

明君紛紛桃李英攀轅何慙慙其如風雲會龍頭震泮芹琴川  
片帆飛星芒耀江汾

九重春色早

鳳閣呈祥雲金榜名第一鴈塔顯崇勲史官位久虛佇待裁錦紋絲  
綸還步武三台瑞氤煇行色日匆匆劔氣振六軍相看指楊柳  
南閔勸酒勤聚樂期何日難爲此別分

門人施元恭

江南九月霜初飛依依送別傾金卮行者謂誰許夫子五年借  
重虞人師眇余父子青袍士共附門墻桃李枝一朝顧盼起垂  
翅嗟以和颺開羽儀天青日白幾晤語假以色笑通襟期造化

鴻恩出名教人生真樂歸相知豸方啣恩未及報坐久春風將  
別離別離誰云地不遠燕山吳水咸相思黃金臺上懸明鏡聲  
價應傳滿

帝畿雨露天街新寵渥回看舊雨留恩私掛帆淮魯正寒烈遙遙此  
際心相隨此心欲爲知己盡長拂吳鉤嗟後時還當高倚崆峒  
際披劃蒼雲揚紫眉

門生朱應豸

數載隨璧廡一朝相祖餞脂車邁行邁去去臨燕甸禮闈開制

科

宸旒御便殿睠彼廟堂珍要向明時見

老師稱腹笥洵矣金閨彥挾策叫閶闔首唱蒙恩眷北溟鯢鬣飛  
南山豹文變曳履上星辰大官日具饌獨有問字葩臨岐徒戀

戀

門生楊起潛頓首百拜贈

吾師宛陵推俊髦尋常學士安敢曹明經素抱匡時志早年鑄  
就青雲噐蟾宮折得丹桂枝倚馬卓識人皆知於今續食上京  
國蛟龍喜得雲雨時琅玕披腹叫閶闔竦動天顏恩寵洽笑插  
宮花照綠袍菜題姓字魁黃甲願言罄展經綸才澄清天下無  
塵埃謨謀廊廟並稷契文光燦燦居三台

門下國學生徐汝良頓首百拜贈

錦帆斜漾拂江湖  
岬柳含情繫客橈  
劍珮衝霄霜刃烈  
船窓映月夜客嬌  
綠袍酒漬沾恩重  
紅杏堤長鞚馬遙  
風力已知雲路穩  
到時不必問題橋

門生蔣國佐

鰲宇許老先生北上送詩二首

名馬世稱驍  
超羣噴紫霞  
今朝離祖帳  
明月自天涯  
愧我蓬蒿  
頂多君  
奕李花春闈  
皆俊彥

廷對獨堪誇

琴川棧樸氣  
芊芊共仰吾

師道脉綿當年折桂看  
秋月今日鵬搏翼  
九天黌校準比能勇

轍軒墀奏對  
獨占先曲江宴罷  
還思否間寄音書到海邊

海虞周景儀具稿

公門奕李荷先成  
挾賦高秋指帝京  
燕市自今披駿骨  
楚工從此識連城  
翔翔風翮冲千里  
濟楚天人傍五雲  
一別遙瞻橫北  
斗龍門幸御想儀刑

招賢閣遠隱  
龍菴匣裡雙龍氣  
自虹山斗斲移南國  
望風雲應際

聖明逢王練  
澄虛颺去旆  
金羈顧盼佇行馳  
治安策向承明奏  
願及

東南行袖空

當庚子之九月

老師計偕北上仲從遊五載臨別贈以二首

制門生周景仲稽顙百拜

恩師許老先生應試北上

歷稔親率比今朝祖道傍  
冲霄瞻劍氣照乘信珠光  
夜月隨文旆江風送綵航  
茲行知拔杏春色接秋香

門生王兆湖頓首拜贈

春風吹遍羣芳舒桃李  
爛熳開庭除鑪錘到處罕  
頑鈍繩墨引去無標榜  
我儕沐訓仍佩德文風  
士氣咸伸攄秋來丹桂飄香  
粟綠水青楓明遠矚吾

師從此上公車大鵬運海疇  
能跼駿馬臺前汗赤珠  
伯樂顧盼

雲生足天人有策人

彤闈

鳳詔傳宣趨佩玉竊惟山斗遠儀瞻臨岐悵絕驪駒曲

沐恩門生曹憲高百拜

鰲翁許老恩師赴南宮一首

青雀斜飛向九天獨憐離思自依然  
鱣壇瑞兆登三事絳帳功成建萬言  
虞里久沾陶冶化

彤庭行看紫泥傳他年定作商霖去  
應念鯁生履欲穿

門生陳用益頓首百拜

許宗師老大人北上

金波詩集卷二  
首藉闌干挂明月華彩星輝射天闕翩翩袖拂廣寒香聲價連  
城自超越魯侯泮水生微波散作化雨沾恩多著我造士重經  
術牛溲馬渤兼收羅煨哉庸瑣愧棄李欲報汪洋豈涯涘片帆  
江上芙蓉秋龍門一躍天際頭長安三月杏花暖宮衣試剪春  
雲柔肯念虞山舊縫掖公門還許相追遊

門生桑繼美百拜

吾師才品冠時流懸序鏞鐘鳴玉球北闕勲名追驥足南宮甲  
第占龍頭連城白璧頻相盼照乘明珠豈暗投

上國春光花爛熳玉河橋畔聽笙篴

門生秦秉仁

上國觀光近懸旌指北征師模重山斗聲價倍文衡邑有絃歌舊  
官成苜蓿清程門愧立雪相望屬行雲

振衣騰北闕飛蓋別江陵鴈道三千里鶯啼二月春臨軒復

明問漢代策天人此際承恩渥欣歸棄李心

庚子秋日

老師計偕言別聊贈二首

門生周道登頓首百拜

敬宗挾策上瑤京唱徹驪駒意未傾劍指薊門寒斗柄帆開吳  
水快行旌將攀漢苑文園杏先采虞山泮水蘅著作郎成門戶  
立游楊弟子羨芳名



門生沈大本頓首百拜撰

秋江獨泛槎去旆映雲霞道以東吳重文成北闕誇臚傳宮賜  
錦漏待院籠紗策馬長安道春風醉杏花

門生楊起龍

宛陵才子大家風年少芳名入漢宮三獻不妨懷獨性一鳴應  
自失羣雄帷經歲講深時雨庭藉秋肥足化工指日承恩天上  
坐莫忘門下有王通

門生王汝霖

璧以連城重文應翰苑稀品題明作鏡軌範絳為幃九月旌車  
發三春雨露霏絲綸芳譽遠懷憶逐塵飛

門生周時言

絳帳傳奇字竭來動去旌東方思夙範北闕著新聲蒯緱雙雄  
劍行囊一短檠燕臺瞻望遠何以慰諸生

門弟子秦秉義

家世雕龍早擅場中原肅肅倒戈降曾將秘旨傳多士為應公  
車入

帝鄉鴈塔名題宮錦簇瓊林宴罷杏華香泥金報捷芳騰徧舊日橋  
門與有光

門生歸紹棕頓首百拜贈

君不見胡公陶鑄蘓湖土燐燐歎猷總各世又不見董子當年

對漢廷天人三策冠西京  
猗歟先生江表杰  
六代才華競燦烈  
家學淵源觀察公  
雲蒸電燿堪頑頓  
妙齡白下薦賢書  
英聲久矣蜚天衢  
待詔雅宜首金馬  
載筆咸推遜  
石渠黻座緣知號  
鴻碩儲才暨借師  
儒席五襪譚經文  
邦嶢然型範漸  
繼掖率夔事業  
養益宏濟川之楫  
調鼎羹肩鉅躡  
崇在茲日拭睫  
六翮翺青冥臨軒  
擬屬先廷對一日  
褒然魁海內論思  
禁近相黃扉八  
埏想望而今慰猥  
余弟侄遊門墻  
冶鎔坐沐春風長  
愧余陝右戀五斗  
未聆屑玉瞻輝光  
投檄幸然返初服  
會時借計轅方比  
千仞徒瞻翥彩鸞  
五雲遙羨翔黃鵠  
黃鵠彩鸞副素期  
嗟哉籬鷓殷遐思  
短篇聊爾踵羣彦  
秋江用代歌驪駒

門生桑孝芳

闕里高賢地  
名師得許詢  
文章臺閣重  
聲教海虞新  
起鶴迎西笑  
登龍向北辰  
感思懸國士  
難負百年身

門生蔡儒百拜言

輕風旭日景熙明  
圖画天開壯北行  
琴泮魚龍沾化雨  
虞山栢李慕春晴

九重奎聚文星耀  
萬里香飄翰墨清  
驪賦登仙今莫羨  
金蓮獨映紫衣新

延慶張有德

匹馬驕嘶走上林  
橫空雕鷲正秋深  
文章久抱連城壁  
聲價應

傳擲地金座上春風披合德山中明月想高襟玉堂石作烟蘿  
夢何日瑤華寄好音

西粵叅知沈應科

座撤舉比意若何壯遊賓御促驪歌賦成羽獵人歸漢價重連  
城壁是和天敞麒麟三象近春生鳩鵲五雲多絲綸濟美君家  
業還見含香振玉珂

郡學晚生李尚綱

桃李繽紛五易春文章學術一驅塵鄉書幾沐身先化甲榜期  
攀尾後鱗此去名標新鳳紀他年光射舊儒紳菁莪遠邁胡公  
澤適用當年有聞人

門生陳啟鰲百拜

萬年師學頌文宣夫子淵源接太山道氣遠迢天地外文章高  
射斗牛邊執經泮水成師濟聽講橋門計萬千行看健翼飛騰  
遠杏林春占一枝先

門生錢從夏百拜

宣尼萬世道淵源夫子風流接杏壇學貫天人宏碩抱才驚星  
斗拂祥烟譽髦多士心方切柱石當朝具已完此行高入雲霄  
上得意春風仰面難

門生章映漢頓首拜

籬菊含霜色驅車又向燕花飛騰馬足浪暖起龍烟冀北曲池

飲江南明月圓御爐香滿袖吐膽鳳樓前

門生時履和

安定蘓湖教授賢宣州夫子績真傳談經絳帳宮墻聳化雨寒  
毡豔李妍五載文星多士望一朝龍躍

九重天廣文此赴瀛洲選肯想楓根獨釣邊

門生時楊清

汝南聲價斗星寒時有青藜秘閣看幾歲風中披襪襖三冬雪  
際依欄杆行吟醉拂燕臺石得意春驚漢水瀾此日玉驄馳萬  
里子虛一賦動雲端

憶昔叨陪猶子情而今舉比傳遺經榻懸謬荷龍門選齒借

收月旦評誰似論文深五載自慚無計答三生河梁把臂春風  
杳矯首雲鳴愴曷勝

門生黃儀元百拜撰

數載恩波莫可論一朝分手若爲親他年事業圖麟閣指刻文  
章猷

紫宸日月並懸輝帝里風騷塵首憶平津此行定擬瀛洲選何日飛  
黃步後塵

門生錢翼明

清江早泛孝廉舟仗劍雄征愜壯遊桂子月中看化鯉杏花風  
裏駕青牛宮懸潮台徵先識殿吻虹揚兆昔秋此去好投安攘

策長安春色一囊收

門生錢翼朋百拜

輕槎曉泛桂香肥清露遙沾仙子衣累德有年今始發靈氛含  
瑞兆先幾文雄南省才名重雨潤虞淵士類歸蓬羽搏風應萬  
里卻林獨折一枝緋

門生錢翼運百拜

跋

我師尊振鐸虞琴越五歲朔一日辭門下士上公車赴禮闈命  
御者燕其轅諸子牽裾攬轡各陳其辭有餘慕焉贈言既集天  
培等捧而餞之尾其辭曰壯矣哉先生行乎從此大遇有時受

知

天子乎

天子須經濟先生胸盤今古經濟庫矣

天子重文學先生腹笥經史文學淵源矣

天子簡忠義備顧問先生忠義天植顧問探囊矣裳華詩曰左之左  
之無不宜之右之右之無不有之先生有焉則是行也其不復  
東之袞衣乎門下士所固結於衷而不能不託諸言以寄夫懷  
者也是集中脉脉而興咨咨而吟洽洽而發鏗鏗而響洋洋纒  
纒雖各不同何莫非不道先生之盛遇樂吾道之大行也哉且  
以信其天合之預志其屬望之素也至於佩德愴離永思錢骨

則又私心之繾綣匪言辭所能罄

門人楊天培百拜撰

寄哭許邈河

之子從茲別欲見詎復得傷彼悲風來剪此英雄翼夙昔相綢繆結交見胸臆相期一生業而爲再世隔離別已吞聲云何至此極點檢君遺箋淚下不堪拭中情願見之靈游安可測

其二

自古莫不然吾獨苦咽啞卽欲編曲歌誰爲伯牙者眷子同襟期風氣何瀟灑寢興俱形似出宿淚盈把累累黃壤間脫劍爲誰假

其三

芳草年年綠王孫去不歸人嗟朝露薄曾似爾命非土伯驚九

金沙許氏宗譜卷三  
首君行不可違楚些爲君泣冉冉愁雲飛從今西州路廣陵更  
不揮

其四

憶子先大夫奕李門墻穠有子能傳經中途隕其輻我欲持素  
車炙酒追隨哭阻矣彼山川道遠不可縮志未策治安謂何遽  
賦鵬天道杳難知握粟奚須卜

其五

涉世誰千歲傳家幸一鄰人咸嗟衰鳳吾猶愛神駒身死名長  
在遇窮德不孤北弔宛陵道萬里空踟躕涉江采芙蓉薦之以  
靡蕪君未暝九京恍惚曾知無

許劍石老師教育五載不僅如甍與明道先生坐春風中一月  
已也茲擢掌粵中教事雖係遷喬仍爲冷局以師之清節才  
望豈宜止以序遷且道路阻長雖動葦葭之想難希金玉之  
音黯然不能爲別敬賦二律以紀懷

數載親模範難分函丈前宜登通籍署復擁廣文瓊海上春風  
坐蠻中璋雨天相逢何日是望望欲潛然  
攀送歌南浦徘徊祖道前風清晉絳帳官冷益寒氈叙別悲千  
里相知感二天不堪離思結門外雪紛然

門生姚成聲

廣文許劍石先生陸任融邑

金溪詩集卷二  
相如詞賦擬琅玕萬里雲霄戢羽翰旋領一瓊黃歛浦又携孤  
棹白雲灘花濃三月春風暖劍倚千秋斗氣寒自合文星藜火  
照羅池亭上月空團

汪儁

君不見西河先生成大儒名重千秋百世師又不見閔西夫子  
楊伯起暮夜磨金如敝屣眼前富貴身後名箇中勘破有幾人  
吾師本是青雲彥手握靈蛇筆如椽珠璣錯落光陸離抱竒未  
剖聲先見聲先見何須待詔公車薦時雨沾濡浹杏壇化被春  
風一日過不肖何能望後塵自慙名在魯諸生三人成虎投陷  
穽覆載恩深誰與並睥睨向天天可憐揮淚青衫濕半邊師今

此去事

英王好移日映照吳天

門生張懋充

僊巖秀絕天下竒鍾靈特立廣之西英雄輩出盛昭代珠含玉  
韞多江湄網羅豪俊先文詞先生此日爲宗師天開景運完不  
變談經滿座春風披海天士子失所托把酒放歌聲依依衆中  
愁緒誰孔悲惟予小子情更淒蓬蒿漫長腰與齊日高午烟猶  
未炊床頭古劍空陸離時復寒生玉粟肌先生校藝豈皮相椽  
筆一朝當品題最是五年侍講帷陶鎔卵翼何濡遲徬徨萬里  
頃刻時懷恩未報傷臨岐壯志芳名竹帛垂朝宗湖海今有期



金江詩集卷二  
黃龍江上水瀾瀾遙憐片帆天外飛青氈豈得滯神物行看微  
書下

紫微

門生張懋完

宦况青氈共寂寥蒹葭極目暮雲遙移將絳帳蠻煙裏坐看靈  
巖化雨饒桃李兩行攀去轍圖書數卷駕輕輶廣文仍是衙齋  
冷况復天涯客路迢

友弟張懋寅書於古東郡學齋中

芳菲綠樹逸紅亭宛轉陽關不可聽霄漢才華驚鳳綵斗山聞  
望惜氈青儒林雨潤懷恩澤冠蓋雲從頌德馨楚水荆山羣彥

集春風座裏識文星

唐繼賢書

幾度春風領絳紗忽看

鳳詔下京華千秋嶺外音書杳靈巖溪前樂事賒處處魚龍驚浪起  
年年苜蓿倚闌斜可堪回首潯陽水能有吹噓遍海涯

門生褚鍾馥

人倫惟雅好追琢此人才龍浦潮催去鱣堂瑞應來樞花明水  
驛劔氣動星台折柳離亭暗長條覆酒杯

門生陸馮

選方秉鐸賴名賢

聖王崇儒簡任專絳帳久深淞渚雪青帆遙指桂林天談經鱣席願  
還解擗管龍城錄早傳獨有門墻操袂者臨流相送思悽然

門生吳元覽

片帆遙漾木蘭舟雄劍光芒射斗牛芳桂中樽維別酒陽關下  
調怯離愁雲開曉岫千峰出月印秋江萬色幽此去譚經多士  
樂龍門何日再從遊

門生王問仁

五載青氈駐采鸞

徵綸俄下紫雲端諸生化育傳鱣席海國絃歌到考槃虎觀文章  
推許劭龍城桃李待潘安從今清教千山隔剩有三都別後看

東海潘允臧

許劭才名重漢京江疇五載借儀刑諸生乍報三鱣瑞一鶚高  
揚萬里翎地有僊巖供着屐化沿柳子足橫經臨岐不盡追攀  
意翹首徵綸下

紫廷

門生張積仁

南粵瘴煙重廣文移帳偏松江催去棹梅嶺度寒氊秋色翰銅  
鼓猿聲逝鐵船莫愁蠻徼地化俗有三千

門生張雲翰

東風吹長泮池香芹襲離尊物候新藻思已知輝月露高辭誰

許和陽春東吳秉鐸推楊震西粵傳經有超伸可羨棲鸞枝已  
易獨留桃李屬門人

門生戴大亮

錦帆拂拂黃公池相送行舟欲別時籠裏謾誇梁國藥帳中方  
羨鄭家兒獨憐彩鳳儀飛詔偏喜棲鸞已易枝爲問班生從此  
去雲山何處更相期

門人朱連亮

講幄紛從腹笥

師門前苑李競爲姿憐予國士平生盛多在春風下榻時

門生殷允升

陵陽偉士五經笥噓作春風桃李私青雀棹邊雲片片黃龍江  
上雨絲絲黯然北面難爲別顯若南荒望有時如火葵榴照行  
色僊踪未許鄭虔知

門生陸 塢

鳳城除日賁黌宮絳帳從來讓馬融已向東吳覃化雨又從西  
粵播春風譚經義出先秦上問字人盈後乘中此去政成騰剡  
薦成均虛左待儒宗

門生潘雲會

軟風吹帳別筵新吳海官移憶許詢六月不堪江上柳孤帆還  
送嶺南人鐵船到日秋應暮銅鼓看時雪欲春莫信蠻州烟瘴

地愚公溪谷落花頻

門生楊萬里

譽擅雙龍夙所聞  
浦濱猶幸挹餘芬  
絳幘著述雄心在  
班管甄收課士勤  
乍喜柳州新捧檄  
翻從海國惜離羣  
後會不知何地再  
惆悵相望指暮雲

門人張自憲

絳帷行色動江干  
已擁驪駒會任難  
門下六年情徹骨  
尊前千里興如蘭  
藍輦到處青春暖  
客路囊攜白雪寒  
歲歲相思頻極目  
梅花應擬問飛翰

門生朱輿

學海珠璣萬斛藏  
栽培桃李鬪芬芳  
幾年化雨青氈澤  
滿座春風絳帳香  
立雪洵饒言志者  
環橋更有四夷行  
柳岸何幸來青眼  
吾黨那堪餞祖觴

青浦學門生張士泰

五茸桃李栽欲遍  
百粵嵐煙從此開  
槐市陰陰帶暮雨  
芹池殷殷鳴春雷  
泰山儀望行堪仰  
洙泗風流去不回  
我唱驪駒聲轉咽  
廣文策馬且悠哉

東海門人潘仁美謹書

大雅誰盟三五

師卓不羣談經輕  
比座敷教尚高文  
粵士忻瞻斗  
吾儕悵別雲

老生情不極佇立對斜曛

門生朱筆端謹書

漢家許慎號名儒教席重看致玉趨共報文星臨百粵賸晉時  
雨潤三吳仙巖色映絃歌含鮮荔香分苜蓿厨別後相思何以  
慰佇瞻鳴鳳瑞皇虞

門生王廷任

五載宮牆日月橫集筵兆啓屆朱明千秋大業元文就四坐名  
花絳帳迎申浦晴雲懸去權僊巖紫氣待傳經驪歌唱徹難分  
袂獨有侯巴倍愴情

門生姚成大百拜贈

聖主恩從北極新公門桃李盡皆春文星不遠龍城借杏雨先乘淞  
水均藝苑聲名標百代毫端波浪壓三秦還期華閣簪纓冑鸞  
鳳飛騰瀚海濱

門生瞿大滂

馬融絳帳敬亭雲映作吳淞江水紋別酌一杯行萬里驂鸞山  
色日氤氳  
一番化雨別成春

鳳詔催人欲問津今日柳州非昔日名山好記許爭新

瓢水高風繼潁陽巾車何物作行裝圖書雅稱沙頭鶴去去登  
仙近五羊

造就多緣月旦評離歌三疊愴離情遠看南斗臨南粵回雁峰  
頭斷鴈聲

門生陸 隴

薰風來絳帳澤國喜春生化雨吳山潤行雲粵路輕文章虛虎  
觀菴李遍龍城漢室求更老橋門擁篲迎

門生汪罈鉉

幾年化雨濕詞壇拂面春風更自寬苜蓿滿庭衙舍冷梅花開  
樹夜香殘座移烏郡通文易帆挂龍江欲別難日後何堪頻悵  
望遙瞻南斗列星寒

門生朱禮端

久沐汪波拜杏壇才各山斗再瞻韓五經管轄詞源富六藝襟  
喉學海寬粵滿浦風咸自慶吳違絳帳不能餐相看娓娓情難  
盡何日重逢叙故歡

門生楊光烈

清時射策氣縱橫文章久矣擅才各三年說劍青氈冷一日論  
交肝膽傾幾度春風醉菴李佇看鼎鼐佐和羹造就恩深難報  
稱慚余空列魯諸生

門生楊道隆

潮生南浦駕仙舟路入名區是勝遊賦就千言誇宋玉經傳兩  
地擅朱游別情忽共青山遠化雨還同碧海留槐市祇今虛講

金沙詩林卷二  
席佇看微綉下皇州

門生張令名

南浦紛行色依依思不禁  
譚經時比面話別自傷心  
道遠逾千里官寒祗一棊  
無緣隨絳帳有淚濕青衿

門生王問善

衙齋寂寞久栖遲  
忽捧除書輟講帷  
一片青氊還似舊  
千程驛路遠相移  
依欄首指空餘碧  
入籠參苓別有奇  
聞道靈巖多御藏  
期將副本寄天涯

門生王國林

東風三月樹蕭森  
苑李涵濡色轉新  
下邑政深芹泮澤  
徵書旋

賜嶺蘭春相隨琴鶴千山遠  
望憶河汾萬里心  
他日黃扉應近侍  
青氊事業有餘音

門生戴京

黃龍浦口水濺濺  
相送先生意惘然  
圖畫江山開秀色  
管絃禽鳥襍離筵  
也知澤國春風遍  
底事仙巖化雨偏

國重詞臣應待

詔徵書指日下

堯天

門生唐惟貞

先生行誼傲瞿矧  
東海諸儒望壁星  
庭草猶存書帶綠  
列槐偏

映帷紗青壽溪百尺擲天藻巖岫千層滂地靈莫以廣文擅尚  
冷

聖朝徵擢在明經

門生王廷棟

萬里蒼梧去路長山橫斜日照離觴鳳毛運啟才名世牛耳詞  
宗藝擅塲蕉石雨侵芸草色倦巖風逝杏花香詞臣豈久違  
楓陛早晚綸音出建章

門生姚永濟

兩收高柳聽啼鶯風送荷香萬里程馬帳傳經能接武蘓湖造  
士憶諸生久培申浦三春色移植僊巖四坐迎鸞翼暫將棲枳

樹待看珂珮入承明

門生王 頊

萬里分岐已各天相携車下別情牽準比未冷吳淞席絳帳先  
侵嶺嶠烟路接蒼梧雲霧遠巖開靈壽珮環傳自來此地餘文  
教子厚祠堂尚宛然

門生張人紀

當年壁水荷陶釣簡任何堪歷遠津西粵欲沾新雨露東吳猶  
沐舊經綸高風美媿蘓湖業闔澤熙同苑李春莫謂汁程千里  
迤兩雍虛左待

師尊

門生丁汝識



三瓊久且主吳東一葦重教指越中大雅文章晉化雨蕭疎行  
李憶高風菖蒲酒對江湖綠首蒼盤俱嶺樹紅許劭只今才似  
錦肯容詞賦老楊雄

門生褚調元百拜書

教育蒙君已數年那堪倏爾對離筵帆開申浦隨波遠轍向龍  
城並斗懸此日共誇新紫綬他時還憶舊青氈滿城桃李難分  
袂不獨愚生倍黯然

門生何世能

虎帳傳經術

龍章晉大儒爲師德自重有道位因時啣

命揚文旆行囊整素書杏花仙雨潤瞻望意遲遲

門生趙隆賜

除書一紙下滄溟愁見征帆望裏青已慶東吳霑化雨又看西  
粵借文星操觚定著龍城綠振鐸仍橫璧水經獨有游揚偏惜  
別不堪離思滿江汀

門生張元龍

風迴嘉樹晝遲遲正是吾

師握別時聲教今將吳粵遍才名素以斗山推含情江濤驪駒  
曲勵操衙齋首蒼詩國治崇文應禁闥殊恩指日下

彤墀

壽許母楊太孺人序

嘗讀詩見魯人之頌僖公侈爲敷揚而工極藻飾以述其休美  
祈其福澤者其詞爛然文矣其歸歎致意於壽母蓋國人之所  
以頌其君者必上及於母而後爲愛之至且夫考鍾慶之原而  
得其所自生論佑啟之功而本其所由致不獨發乎情而固已  
合於禮矣然其詞旨所存約其侈之文而核其功之質者蔽之  
以宜大夫庶士之一言而已大夫庶士不勝乎國人之衆而通  
國人之不及乎大夫庶士之賢惟其宜於大夫庶士而後國人  
之祝其壽母不爲溺於情而蓋於禮茲其所以爲詩人之善頌  
也與推此義以施之今則吾濮大夫庶士之壽楊太孺人於古

蓋有合矣太孺人郡節判立軒許侯母也太孺人歸中臺翁爲繼室貞惠淑敏相敬如賓拊先室饒之二子不啻已出中臺翁仕爲閩閩都事積有俸金旣捐館舍太孺人悉以贍族屬之貧者不以一毫遺諸子惟遵義方之訓育而誨之咸底成立蘭輝玉映無忝成風侯之佐郡也實典馬政當賦煩民窮之際口與太守張侯阜其生息閑其輿衛下不坐困而部解亦無後期之擾牧馬之盛駟駟如也民之憔悴饑乏者昭蘇之節宣之強梁跋扈者摧廓之禁伏之革心向化莫之或逞如食黜之鴉化爲好音乃始修葺學宮雍容絃誦使講道德而陳禮樂藻茆之長於泮水者可采而樂也於焉飲酒於焉色笑曾不爲湛而皆所

以爲教凡厥善政雖張侯王之於上而許侯贊成之功不可誣也人心悅頌聲起思所以祝侯者而知推其所自國人以謂大夫庶士而大夫庶士則謂好禮者莫余若也余衰廢雲林不足以爲國人之望而好禮則有之夫受

天子之命來治一方有人民社稷而得沒其政教其士則國人頌侯而及其母於禮固宜故余推魯人之頌之義以應大夫庶士之情以順國人之願爰弁諸簡端今歲太孺人壽登七十有三大夫庶士頌而祝之長篇鉅什萃而成帙題曰萱麗春輝若侯者信有以報母矣

皇明嘉靖三十八年歲在己未仲春月吉日

賜進士第前資政大夫兵部尚書兼都察院右都御史治生

蘓祐撰

七言排律

葵亭刑亂忠

安車迎養事專城壽域今開七  
袞觥萱麗北堂春書永星垂南  
極夜光明填篋并奏承歡曲菽水堪酌愛日情獻祝幸逢初度  
候行看

封誥下神京

陽岡朱鳳梧

人生七十古來稀別駕高堂今已非老健何須錫玉杖春深猶  
自倚柴扉惺惺鶴髮飛明鏡短短烏紗美彩衣更喜仙郎聲價

遠泥指封日向南飛

嚴溪高迨

畫堂香裊綵衣翻掩映鈎簾媚綺筵整整衣裳塔下拜巡巡杯  
酒坐中傳玉簫翻出停機韻僊錄修成多壽篇一朶菘花添一  
歲春光爭賀古稀年

雲樵張登高

庭砌萱花春正開纖枝婀娜倚雲栽冰霜久歷歲寒節葢葉長  
舒江上臺霽色侵塔暄自媚暗香覆幕暖輕面撫臨罔極因多  
感珍護翻增愛日懷

吳道南

壽讌宏開八十年應知寶婺迥高懸相君斷織混經業教子和  
熊已象賢彩袖影翻青晝永紫韃香度畫堂前我侯政績馳

丹闕

鳳詔行看下九天

晴田許登虹

蘭芽桂樹影森森共向高堂作好春度世漫言能七十占年還  
許並松筠壺中日月元無極洞裡乾坤自有真午夜起來頻翹  
首壽星端爲一人新

劉顯任

許侯有母壽八十不數人間羨古稀鶴髮垂肩元挺秀兒孫盈

眼更芳菲祿養於今試漢上誥封行看降畿闈政餘膝下承歡  
際彩袖霏霏拜

紫微

貞菴王之義

北堂暉映麗萱花南極騰光動彩霞火棗日呈金母會蟠桃時  
傍婺星華添壽海屋年相繼獻曲江準更歲加壽宴榮開春正  
好遙逢天上降黃麻

治生呂調梅

君家淑氣正冲冲雪擁梅花開幾叢七十慈顏三釜養數年清  
宦一囊空不由愛日衣裳綠安得蟠桃色久紅

天子從來崇齒德鸞章會見下瑤宮

五言排律

梅峰黃 紳

遐齡邁古稀賀客滿庭闈  
慈竹凌雲秀萱花帶雨肥  
北堂陳俎豆南極動光輝  
喜見賢州牧稱觴戲綵衣

魯山李東望

別駕分符日靈萱已耄年  
聊開王母宴權賦老人篇  
鳩杖誰能受熊丸世共賢  
栢松姿不改

封誥應傳宣

治下晚生蘓 炯

百歲萱花茂三春壽讌開  
雲飄青鳥至仙贈素芝來  
不負丸熊

意欣持愛日杯佇看

天子誥早晚下蓬萊

會基桑紹良

王祥能佐郡更以孝馳聲  
稱觴祝阿母捧檄動歡情  
仙籌添海屋鸞誥出天閣  
請翰忘憂草年來花倍榮

龍津南 兆

天地開真息陰陽會秘符  
一籌添海屋萬壽注丹圖  
桂子調金鼎蘭孫進玉壺  
大家齊祝頌嵩嶽永爲徒

葵田任承芳

七十古所稀况兼祿養時  
仙人降華嶽共獻瑤池芝  
笑飲長年

酒同裁萬壽詩夜來望南極光彩映門楣

葛峰馮一元

南極星輝夜北堂萱茂辰松齡過七袞鶴筭幾千春已佩長生  
籙還沾寵錫珍鄴城南祝者願放華封人

邢玠

竹使分符貴萱堂拜壽榮稱觴祝孟母捧檄羨毛生濮水春常  
滿歷山丹白成夜來望南極惟見婺星明

壽張南里沈宏道

阿母南山壽觴開北海筵流光經七袞華髮虛千年蟾窟孫枝  
茂熊九子息賢任城遙獻祝惟願福綿緜

平塘范 爻

栢府旌賢日萱堂納福時祥光凝翠幙佳氣滿瑤池曲奏陽春  
調筵開沆瀣卮不須調大藥萬壽永無期

渭源王 載

別駕濮遊宦萱堂開壽筵蒼松陰媚媚元鶴舞翩翩王母獻桃  
側萊生戲綵前莫誇榮祿養更看寵章篇

後學竹東董 禧

五馬分符日三春壽宴開北堂榮祿養南極燦星台青鳥雲中  
下蟠瓊海上來蘭孫與桂子同獻紫芝杯

渭川熊 兆

阿母逢初度春秋踰古稀光增毛義檄歡動老萊衣海上蟠桃  
熟筵前青鳥飛

聖朝封典渥會見下神畿

雲峯高 騰

東皇開壽域南極見星符人自松筠操屏張瀛海圖膝前飛鳳  
羽堂下走龍雛試看瑤池上翩翩青鳥呼

連山李同芳

北堂春曉雨露宜萱草開壽筵風光好嫦娥示靈藥王母來青  
鳥喜仙籌年年海屋增天巧

有子多榮耀祿養迎官道似阿母全福少含飴對綵服康寧臻

秀考看翩翩鸞鵲指日來天表

右調千秋歲

杏仁蕪 潢

開郡閣衣冠袞袞列華筵絃管紛紛願福如東海長祝壽比南  
山峻獸鑪中瑞靄氤氳甲子人間滿七旬報海屋籌添幾本

右調沉醉東風

壽許母楊太孺人跋語

別駕許公立軒迎母楊太孺人於宦邸朝夕承歡色養郡之大  
夫庶士既爲文詩繪圖揄揚其盛矣僉謂予當有言以申其後  
予惟昔毛義捧檄動顏說者謂義家貧不能爲養利茲廩祿之



金溪詩以宗詩 卷二  
饒遂供甘旨之費故喜恐非也蓋喜其得君祿以菜養耳不然  
義非勤四體者雖貧寧不能盡力南畝爲具饘粥哉是故躬畊  
以養子道之常資君天祿以上奉嚴君人子之難得菜遇者也  
故穎考叔曰小人有母未嘗君之羹請以遺之然則考叔食祿  
公朝固非貧者自備杯羹獻母無難也而必欲嘗君之羹何耶  
此立軒之分祿菜養可羨可賀也已

昔

皇明嘉靖三十八年歲次己未仲春月吉日

賜進士第陝西漢中府知府治生周顯宗頓首拜書

律